

陶

山

詩

錄

陶山詩錄卷二十六

善化 唐仲寬 六松

小東園二集

乙酉元旦二首

元旦輕晴化雪天  
陽和一夜變新年  
天公似爲衰翁轉  
滿酌屠蘇合占先

江淮當事甚憂勞  
身若居官責莫逃  
病廢感

恩仍蚤起望雲九拜日初高

孫平叔中丞以巡臺所著漉娑洋集索題因次趙

笛樓尚書韻

威弧遠拓扶桑東七星半月開溟濛按年持節宣

皇風樓船飛渡瞻元戎儒臣開府人中龍文武吉甫多  
前功書生未駕千丈艫安能域外誇奇蹤高牙大纛若  
乘空甲兵數萬藏於胸七鯤五虎懔軍容蒼兕震鷲走  
黃熊鹿耳門與澎湖通雞籠鳳鼻草木髮斷無荏苒伏  
其中到處定舞隨軒鴻帆檣順利豈遽念惠澤流行速  
郵筒玉山築城親考工時當盛夏荔子紅邊徼宜與中  
華同正誼講學今文翁臺人齊稱公愛儂狔獠幽隱亦  
達聰爲民干城翦翳蒙必逢佳士垂青瞳物不芥蒂心  
不蓬琴歌酒賦風雲從好整以暇氣如虹攬勝善俗徵

匪躬憶昔寸莛撞巨鐘才比黃鶴與壤蟲詰盜或以被  
盜充擒盜之人幾蘊崇自媿黔驢技已窮至今思之猶  
時恫維誦使槎曲三終穆然皇華詠事攻營平共濟奏  
邳隆我願鞭隨筆陣雄仰窺逸氣騰顯穹三山頂上銘  
勲庸

春雪禁體詩謝瞿秩山觀察招飲用坡公聚星堂  
韻

梅花開到茁梅葉疑是落英紛如雪那知沍寒閣春光  
曉來汲井凌繩絕坐窺窗外簷牙垂步出階前屐齒折  
魚未上冰蟄未振元宵燈火半明滅泥深恐有大馬藏

風急勢可長鯨掣似爲三冬少祥霽不妨五出補花纈  
典衣甚欲留金貂布地舊曾堆木屑幸叨芳釀相招邀  
共倚華筵看飄瞥因念流庸盼溫和不更遭凍餒向誰說  
我輩餘年飽且嬉高卧莫愁衾似鐵

前詩秋山觀察兩次見和再疊韻酬之

對雪開樽傾竹葉解我寒襟飫香雪媿無佳句酬芳讌  
重把名章歎工絕白戰交綏鋒再礪清流迴棹波三折  
頓驅雲霧積陰開便埽冰霜殘痕滅聚星步韻手自義  
時晴臨帖筆難掣擘絮影開黃縣襖繡紋暖暎紅羅纈  
桃浪漸長通租船麥穗齊抽飽麪屑從知民物常在抱

宵將時令付輕瞥列堞明霞補天穿陽春白雪逢人說  
來朝有約尋山梅更看作賦心如鐵

春分後二日冒雨赴隱仙庵探六朝梅之約即事

三首

春陰深護六朝梅春色三分一半開好赴登山今日約  
試看冒雨幾人來花迎竹院衝泥屐香入松房瀉玉杯  
枝北正疑殘雪在乍聞檐外有輕雷

古榦扶疎大著花長依閬苑列仙家山中宰相陶貞白  
世外佳人萼綠華巖谷深藏多歲月老莊告退自煙霞  
孫枝亦解禁風雨不逐天桃弄影斜

塵蹤相訪卅年前  
兩際探尋有夙緣  
老去難忘高隱輩  
遲開尚占衆芳先  
全憑鶴守雲封地  
未許鳩扶月落天  
歸傍清涼山下路  
銅街積水欲成淵

淵一作川

魯魯齋明府

起元

見和春雪禁體詩三疊韻酬之

春陽幾日傾葵葉  
詩翁尚賦梁園雪  
自從巴里唱一聲  
都似永興稱五絕  
鶴氅只許孝伯披  
隴頭端合蔚宗折  
豈有持籌屋塞破  
何妨懷刺字漫滅  
苹鹿相聚常鳴呦  
羈鷹乍飽便飛掣  
銜杯頗愛鷺兒黃  
裋服新裁魚子纈  
逢人咕囁忘蘭麝  
笑我疲茶憚樓屑  
奇石下拜市中求  
古梅幽討塵外瞥  
但喜竟返屠羊肆  
長令弗作捕蛇說

君才飢飢仍當伸干祿底須向殷鐵

謝秩山觀察贈筇竹杖四疊前韻

萊公插竹生枝葉勁節不畏雪山雪干霄直上根屈蟠  
植巖深處壁斗絕籜龍本是葛陂龍雙角那許朱雲折  
紺髻盤額尤崢嶸斑鱗滿榦不磨滅入手頗訝玉螭騰  
照眼時見金虹掣承貺檀欒過眉筇勝頒羅綺被體纈  
頽齡恍遇壺公仙健腳似餐雲母屑江東步兵謂張古  
餘同年  
前得之刻銘非比電光瞥渠得伊尼我翠虬未知孰勝  
憑君說廉竹總同廉石珍蜀民常頌眞鹽鐵

古餘觀察見和謝筇杖詩有從此雙杖常追隨之



句五疊前韻

日擁嫋嫋披薤葉不管筋疲鬚鬢雪少陵雙杖分而持  
東坡上座行不絕百年扶掖常肩隨二老風流或心折  
詩成佳識句有神寘之宥坐宇無滅知君遠自滇池來  
滇神曾獻火鞭掣余亦關中太乙逢吹藜光照錦幘纈  
忽然飛出兩白龍頭角嶄然燦金屑化爲仙鹿與靈虬  
伎伎蜿蜿眼前瞥瞿矧先生不自操解贈各攜人豔說  
珍重此君葆歲寒同心之盟堅於鐵

古餘同年再和前詩六疊韻答之并謝招飲

仙廚鱠絲軒藿葉辛夷楣下餐絳雪

院中辛夷大放

爲握青筠

策得雙先投黃絹辭稱絕是日春寒襲敝裘舉止瑟縮  
腰磬折高年榜上方雄飛閉門直遣行蹤滅瞿仙魯叟  
黃石公矍鑠翻嫌杖牽掣一賓隨主筇相並五老齊坐  
花生纈縱無豪飲能鋪醕尚有清譚如鋸屑君是伊耆  
共滿咸鐫泐豈較短長說願鈔一冊資觀摩

古餘自撰杖銘一弓

樂府何須誦老鐵

楊鐵崖時稱老鍊

前詩未寄新作復來七疊原韻兼申後期

五人客飲三焦葉醉歸尚帶飄衣雪忽看夜照十步明  
攜來綠玉光景絕祇合裁詩報殷勤豈期發調更廉折  
豪舉百壺忘鐘鳴滑稽一石笑燭滅何如佳設最清腴

木筆當筵手可掣，瘦筇斜倚淡碧窻。  
金尊掩映深紅纈，響荅先輸霹靂車。  
輦效應補琥珀屑，幸逢一朝宴會良。  
莫道千秋歲月瞥，今將尺度稱身量。  
兩筇相比吾筇較長因裁合度倚  
樹看雲作圖說，城南花事好相隨。  
來詩云魯齋明府有新晴城南看花之約  
大江東擊綽版鐵。

八疊前韻和古餘同年

叨陪酌醴枌面葉，禮飡非桃以黍雪。  
旣喜食從少施飽，又獲詩追與可絕。  
仙才合上閣三重，世路且迴阪九折。  
掩卷倍文尚濶翻，擁榻修容到火滅。  
嗜好那許寸絲牽，奇辭應飭六丁掣。  
頗耽杖策扶鍾籠，常挂壺盧綴綵纈。

因之題徧十賚文便是琢成七寶屑與君同年復同官  
同爲宅者凡幾瞥治身自古重箴銘博學尤宜藉詳說  
況逢白戰屢舉旗我已空拳無尺鐵

秩山觀察見示所和古餘同年之作頗有過譽九  
疊前韻以謝之

冷竈煎湯燒濕葉手未及盥足未雪輒報鸞牋投百番

奚啻韋編費三絕

連日和詩  
忙迫故云

瞿塘軒然起大波中有璿

源抱圓折清虛瀘得沙子淨熨帖平將綫痕滅翩翩紫

鸞霞采翔矯矯蒼鶻霜颺掣牽連藻飾衰顏汗織成組

繪新樣纈祗緣見贈玉交枝把玩如調金莖屑吟筇行

步或忘攜覓句凝眸不停瞥苦連頗累僮奴送樂趣難  
和兒輩說一片官商敢載賡磁石更引藁竇鐵

十疊前韻和古餘同年看花遣興之篇

我思避席拱而葉君詩又逐風迴雪兩軍未憖已交綏  
一鼓作氣更殊絕看花南陌尚迢遙步履西園自周折  
笑余寓館尠嘉卉前歲鬱攸幸撲滅便買牡丹階畔栽  
欲傳綵筆夢中掣君家辛夷初爛漫海棠紅映吟眸纔  
想見扶筇望溟濛定應施幔護騷屑國香端賴詩能補  
春睡何容睫屢瞥寄余兀坐輒高歌羨君餘勇猶譁說  
及時行樂正芳菲莫待鏐錚響金鐵

十一疊韻和古餘同年欲余新購小園招飲詩意

勾吳出師侵宛葉

通

復陶翠被逢雨雪晉楚之從交相

見豈比秦爲呂相絕如不欲戰戰必勝信君樽俎衝能  
折頗思郤地爲期會莫使名園就荒滅蟠木輪囷百尺  
圍奇石礧礧萬牛掣況當修禊汎淶波準備藝蘭開紫  
纈雖無旨酒飲庶幾賴有短筇扶僂肩請詹吉口懸帘  
招正恐芳春轉瞬瞥邾莒何堪並齊魯郢書原可作燕  
說笑我新從秦中來乞君臨風歌駟鐵

十二疊韻和秋山觀察荅余九疊前韻之篇

囊瀛圖中浮竹葉江南兩度見冰雪報道先生歸賦早

久將塵世交游絕我來相選手同攜知君高尚肱三折  
粉署含香著清通諫坡珥筆無黠減出爲監司善撫綏  
不教家屬苦鉗掣馬卿宣諭檄爲雲王褒樂職詩如纈  
投簪自謝柏臺霜納祿同餌松花屑湘西一棹尚遲迴  
堂背雙樓又空瞥聊從榻管門深嚴未免聲牙費解說  
錦江春色上濤牋能使花開老樹鐵

十三疊韻和古餘同年別墅開尊聊戲耳之句

今朝山中看花葉海棠泥污臙脂雪春光九十半闌珊  
雲氣連縣無斷絕徒倚危樓聊四顧襟帶長江幾千折  
未知何日放新晴但見孤煙遠寢滅亭館旣費金錢購

杯盤那許傭保掣頗有南烹入饌香況接西樓襯筵續  
旬設之期吾何戲羣賢畢至君其屑近來頓覺筋力衰  
相逢休把流光瞥顧我竟爲真率會邀君更作小園說  
却怪投詩如索書頻來欲裏門限鐵

十四疊韻和古餘同年見寄杖壺盧等銘一冊且  
有漫云行樂須及時無荒敢忘唐風說之句意在  
不復聯吟也

先生西銘第幾葉常向心神自澡雪每於杖端發深省  
非徒筆底造夏絕長柄葫蘆逐步圓宜春帖子隨門折  
扶持定有尊足存撫勒豈同脫稿滅西園積玉眼曾窺



東山碎金手思掣喜承小史鈔一編欲倩名姬繡百纈  
邇來捧心學妍顰翻覺攢眉困瓊屑窻外日催野馬飛  
霧中花送流鶯瞥結習未除文字禪玩物喪志儒先說  
曲終奏雅靖繁音從茲不敲方響鐵

十五疊韻和秩山觀察屬余新園招飲之作

準備幡幡烹瓠葉竹深延客藕絲雪城南城北鬱相望  
東行西行塵欲絕十千兌酒樽難移百萬買鄰路幾折  
舊傳名士青樓在莫管美人黃土滅別墅那覓林壑排  
近市得求蔬筍掣袍笏拜時同我瘦池塘花影照人纈  
方圖遷徙尚未能敢言織畱非所屑一日暫借盍朋簪

三春欲闌留醉幣旗亭應畫龍標詩香奩休信稗官說  
同心自可利斷金苦吟何必磨穿鐵

辰橋宅者望雲小像自題四首

辰爲壽星次橋在青谿東往日置私館晚來稱寓公宅  
田無地任里社幾時同返櫂期猶滯浮家計亦窮

況我先人壟湘西匪自今祠堂高柏樹

龍名

場圃傍田

心橋

名

恩捧黃麻遠情緣綠草深如何卅餘歲空憶楚江潯

客秋謀襖被中道悵釵分自土懸清夢終朝望白雲松  
楸親舍閔蘭茝麓庭薰莫待招魂賦難忘誓墓文

埋骨從新兆歸懷篤故山南風催五兩老屋間三閒那  
得菟裘老非誇畫錦還此邦雖信美能弗念鄉關

十六疊韻和秩山觀察七疊以戰喻詩之作

石闌點筆題桐葉春風啜茗甌浮雪作詩如鼓瑟與琴  
大絃急者小絃絕又如隴髀用斧斤芒刃嬰非缺則折  
亦有騷壇稱霸才桓公能救諸侯滅君詩蘭蕙光風轉  
筆力鯨鯢碧海掣文星頭戴六匡明天孫手織五雲纈  
或如登瀛三山引或如修月七寶屑即以戰喻亦雄師  
樓煩善射不敢瞥張侯耳目在旗鼓唐子須眉滕口說  
爲鷺爲鸛爲魚麗此事應推來嚼鐵

十七疊韻和秩山觀察江南春雨八疊前韻

懷中擲出化龍葉幾令三月賀瑞雪始焉潑墨淡復濃  
初猶散絲續還絕風定正看銀竹森雷陣乍聽露盤折  
江頭汨汨晚潮添原上離離野燒滅雜英滿樹羣鶯飛  
釣艇入潭大魚掣前村杏子已生人小院桃蹊紛點纈  
國色大放鼠姑春天香欲噴龍涎屑憐余肺病濕爲憂  
似此韶華雨中瞥君情繚邈有花知詩思芊眠豈雨說  
明日攜筇上酒樓好將槌擊一片鐵

次韻古餘同年五簋之約

孰爲賓客孰爲東小聚聊將欸洽通況是耆英眞率會

由來儒素舊家風戒饕餮便合銘諸鼎違約還應罰用豐  
取次正推元老健先標品格後從同

謂茶山  
廉訪

次韻古餘同年題十笏園

奇石來應自海陬昔年一見屢回頭隔城許我尋溪壑  
近市容人問酒樓他日移居家具少今朝招飲雜花稠  
莫言十笏無多地峯影池光與目謀

十八疊韻和錢恕堂太守送春篇

化工辛勤刻楮葉去如鴻爪飛印雪留春無計衣袂牽  
仰天大笑冠纓絕布德行惠記當初風饕雪虐經百折  
漸噓和氣入根荄始逐寒威就消滅二十四番花信催

一百五日榆火掣燕翦鶯梭處處喧錦帷繡被家家纈  
不遺餘力誰能知自伐其功非所屑紅瘦綠肥好掉頭  
夏雨秋霜在轉瞥東郊祖餞空有情北山勒移豈無說  
星迴歲盡要重來送暖蘇枯到冰鐵

次韻方茶山廉訪題十笏園會飲

非關示病學無生帶闌通闌豈爲名十笏地同禪室隘

一朝天爲老人晴

連日陰雨獨  
飲園日大晴

安排高閣圖書滿且稱

偕遊水石清但願年年如此日奉君牛耳主詩盟

十九疊韻和秩山觀察以樂喻詩

我聞塞外吹蘆葉吹落千山萬山雪又聞吳孃善嘔飲

曾向文臺奏越絕豈如伶倫叶鳳鳴大音溫和小清折  
合同而化有正變旋相爲宮無起滅風颺呼噏電霆飛  
鸞鶴迴翔鵬鷃掣如味六和淳熬珍如采九章絺繪纈  
釣天所張世希聞大雅之材豈纖屑皇芩里耳或屢傾  
山香仙眸不停瞥中聲我怯五降彈樂語君能東序說  
引商刻羽磬擊銅裂石穿雲笛吹鐵

二十疊韻和秩山觀察題十笏園奇石

石林我媿居士葉對石因思太白雪君闢蠶叢得詩才  
峨嵋頂上可橫絕巧思會斲山骨靈健筆能扶天柱折  
十笏園內古雲根不知閱世幾興滅近日林亭亦粧點

剗巖鏟壑車牛掣但施堆垛作蒼巒便誇苔蘚生紫纈  
見此穿豁空青府無補多欲玉露屑煙痕瘦入橋邊巘  
日光穿向洞中瞥製在一品非人工鍊成五色倩君說  
移居豈敢學平泉乘興還來聽簷鐵

二十一疊韻和恕堂太守再和送春詩因作迎夏  
之曲

點溪青錢疊荷葉冰桃碧藕佳人雪春霄宮裏春先去

太守留春恨裾絕送春感春又傷春頗類瓶沈與簪折

盤馬路引芳草驕醉髡堂窺銀燭滅

太守又有感春芳草等詩我本

夏蟲寒不語自笑春蠶縛難掣欲爲錦障三十里安得



繡羅一千纈頭風尚嫌白  
恰單肺病想滄紫瓊屑輸君  
清興獨能高愛惜春光不忍  
瞥四時之序成功退眼前  
有景隨宜說桐生茂豫好將  
迎莫待赫曦爐鑠鐵

謝茶山廉訪招赴五筵之讌次古餘同年韻二首  
奉席望如橋花光舉琰邀權輿承夏屋期會接春朝但  
見醲鮮進齊將軟熟挑瓠人無定制爲約反爲饒

主人情爛漫化國日舒長可作五君詠何嫌三徑荒詩  
篇無次第酒債有尋常崇儉從吾道非關吝沈郎

有以芍藥八本相遺者花繁而麗廿二疊韻賦之

因東諸詩翁小集

殿春浩態堆千葉朱如朝霞白如雪牡丹開罷綺園空  
酴醾信斷芳屐絕遊逢油壁都迴還醉當酒籌無拗折  
忽來紅藥當階翻頓埽綠陰和霧滅燭龍銜日雙眸炯  
宮錦裁雲纖手掣引退詎誇金帶圍逃禪欲參玉版纈  
花名似爲老子鍊顏丹非是女郎膩粉屑竹枝植扶藂妥  
垂葦箔橫遮辦飄瞥獨對狂香韓氏驚酬贈厚情鄭詩  
說置酒相約同倚欄看花要追蹏蹠鐵俗語走馬看芍藥

附小啓

小東園新莩文無其花富有蕭齋獨賞輒憶聯吟晴  
檻齊開難令久遲爰於常會之外聊爲小集之期客

比六逸而倍加肴較五簋而更劣儻蒙不棄尚望蚤  
臨座列龐眉年登周甲以上杯傾婪尾日候亭午之  
中代柬以詩題銜是竚

廿三疊韻咏盆中杜鵑仍如前柬

子規昨夜唬櫛葉繡毬拋盡玲瓏雪連聲叫醒山客眠  
速藻奇推閨苑絕瓦盆一本一尺長兩年不花等傷折  
三更月有合寶修九枝鐙豈受風滅驀見娟娟滿頭豔  
疑逢七七非時掣火齊光奪魏乘珠濯錦采占吳綾纈  
小卉能開數百朵雜花可棄千塵屑送春已報安榴信  
催歸似過蜀禽瞥無計留春少意思云胡不歸難解說

春感歸懷付吟朋  
婪尾杯中想喚鐵

次韻古餘同年詠茶山廉訪園中繡毬花

地豈毬場拓春於繡谷偏  
枝枝珠絡密箇箇粉團圓  
寒影消殘雨香痕帶晚煙  
好花照苔席相勸舉觥連

次韻古餘同年來賞杜鵑未飲先歸夜吟見寄

策杖看花便揖花  
筍輿先返踏殘霞  
那堪枵腹荒廚媿  
爲賞芳心好句誇  
絢爛人歸平且澹  
清虛詩到淨無渣  
不眠同聽鰥魚鑰  
吟枕輸君逸興賒

廿四疊韻詠殿春會中秋菊放花

黃華九月厭黃葉  
竹梅同性傲霜雪  
今逢首夏雖清和

相距幾秋尚懸絕庚犢車驚薛君驅秬米飯嘲王朗折  
似恨春花落太繁故標晚節生不滅一粒粟中元氣裹  
三升露下毫光掣獨向狂香發冷香共披紅纈探素纈  
護萼應澆甘谷水培根豈糝疏石屑園林穠豔如人澹  
世路塵氛隔年瞥祥葩或詡羅含感逸品難尋范村說  
迴殊藍紫聊充隱藍菊夏紫皆非真菊寒苞暑放筋是鐵  
次韻古餘同年詠殿春小集秋菊放花

黃樓豔豔接姚黃誰信寒葩發晚香霜下自藏超世傑  
天然不解入時妝都從婪尾謀新醉却讓華顛冠衆芳  
莫認趁炎誇速藻傳延年有衛生方

次韻古餘同年謝餉老米

人老米亦老米陳陳更香乞米太倉糈分作兩翁糧細  
數同炊白浮蒸自嚼黃加餐期努力長飯水雲鄉

廿五疊韻謝秋山觀察分書楹帖

觀察題望雲小照有鳴鶴在陰

其子和飛鴻遵渚我公歸之句屬爲書之

葩經集句刪枝葉堯廷寶露嶸山雪天衣渾成一縫無  
仙仗對排兩行絕不加雕琢驚神來自訝叢殘恐福折  
況叨波磔更揮寫如見碑版未漫滅其中規矩亦變通  
尤能舍縱兼奪掣玉碗盛來琥珀光金針繡出鴛鴦纈  
便付裝池柿蒂綾正應供奉旃檀屑盍簪昨乞咏花多

累牘只須吟眸瞥詩登司空廿四品書傳長史十二說  
快然如獲珍珠船方信巧冶得精鐵

廿六疊韻答秩山觀察見和之篇稱譽過情

專愚自蔽蟬翳葉羨君吐慧豔于雪不藏人善非阿諛  
每讀君詩輒叫絕鳴鶴飛鴻句生成鸞飄鳳泊書興折  
因抒賞心異目論詎類噬膚占鼻滅冲襟廼與川谷虛  
健筆仍將師象掣欲轉蜷蜣蘇合九巧飾無鹽越女纈  
那知汗甲索十重却喜碎金霏萬屑量筭愛當雨後長  
數花怕向風前瞥閒裏唱和聊爲娛箇中消息何須說  
豈同經世費安排鑄鼎先賦一鼓鐵

喜雨廿七疊韻

邪溝不能浮一葉萬艘泊岸米堆雪長淮旣潰陂澤枯  
大河旋淤潢港絕海運船難咄嗟辦陸般路苦東西折  
我舸大艚若留滯很丁悍卒相吞滅庾廩方當望眼穿  
舳艫恨少神手掣恰逢初夏滂雲蒸快對滿林紅雨纈  
傾盆晝夜無稍停滴露來朝有餘屑因念湖堰新作漲  
會見風檣去如瞥滋苗頗慰農家言利涉權聞舟子說  
閑居何敢論時事準備歸田耕以鐵

次韻古餘同年謝魯齋明府招飲之作

束帶迎門爲五經況陳穀核欲充庭新晴送綠芸牕啓



舊雨題襟茗椀停談讌日長賓作主觥籌戶小醉連醒  
試思鼎食憂方大應羨鴻飛入紫冥

惜落花廿八疊韻

芳華欲謝盤龍葉駐顏何處求紺雪雖曰當歸難久留  
未信可離便交絕初綻日課僮奴澆齊開切禁精婢折  
封家女姨善保持鐫花娘子必翦滅晴雨都看繡幔遮  
鳥雀常聽金鈴掣命儔酒兒十千濃聯咏詩裁百純纈  
瓊仙爲我立徘徊絳樹深愁墜纖屑一片飛時春光減  
半粧卸去朝露瞥供之玉案望魂返葬以香泥參佛說  
賴有叢菊無寒暄炎夏霜葩似黃鐵

護新筍廿九疊韻

竹箭有筠不改葉牆根稚子弄晴雪出地直欲青霄干  
生天便與紅塵絕我有數弓小東園移種曾隨屋角折  
每年必喜新篁添去歲頗憂積潦滅時從麋眼撥雲尋  
乍見蚪角奔霆掣砌罅橫拖玳瑁鞭籜皮厚張纁黃纈  
防踐援列紫荊叢劇乾瓶傾甘露屑風搖翠鳳六琯聞  
雨長蒼筤百尺瞥護持當守玉川戒修潔好讀猗玗說  
扶老不可無此君要擬邛杖勝拄鐵

三十疊韻和秩山觀察惜落花篇

南北東西戲蓮葉魚躍清池浪翻雪梅雨祗緣荷氣濃

棟風那忍花事絕紅裙見妬照眼明玳簪深悔上頭折  
紫鳳車迴輪已杳綠龍盤擁鐙初滅泥春睡臉一痕消  
帖地舞蹤雙鉤掣我欲付之玉蘂仙美人贈以金絲纈  
爇鑪未覓震靈丸塗壁先和芸暉屑吹氣如蘭素心通  
薄情恨柳青眼瞥去住惟憑蛺蝶知行藏莫向鸚鵡說  
倚君筆浥丙子甕定見英開丁卯鐵

次韻古餘同年謝秩山觀察招飲三官道院并和

秩山

六人月兩集三月輪一屆肴核貴醇和庭宇寬清邃春  
雪曾見招公復折簡致裴園本奧如道治寄幽意卹厨

本芳馨仙庖結靜契明日即端陽氣候亦迥異青粃擘  
麟脯醲厚非臙膩歡笑雜以諧縱談不及利衣帽習習  
風詞句醺醺味前者苦聯吟未免譏喪志與爲文字纏  
甘以口腹累豈料曲江才曾無雲夢芥即席賦新篇銜  
杯誌嘉惠主人先屬和鰕生如受誨濯磨圭璧間咀嚼  
酸鹹外雖病雖疎慵勉力述賞會

將之吳門發金陵至栖霞登舟

經年不出門出門費屏當選僕聚餽糧剋期束衾帳未  
遽擁腰筭先攜輔足杖從者但租驢行李預登舫道出  
攝山陬波避黃天蕩栖霞隔舊遊乘風趁新漲船是輶

蒲鞋

船名

人如藏橘盜晚飯疑越樓夜歌聞吳榜一鶴橫

江來金焦已在望

至蘇州

三年竟未到吳門三十年來宦蹟存局外關心風景美  
閒中訪舊笑譚溫艾旂水馬餘燈火荷蓋山橋遍酒尊  
倚櫂闔閭城畔路燕泥猶認昔巢痕

虎嚙市杖

海湧山市多奇麗求者紛紛獲巧製我來惟覓扶老策  
靈壽桃枝長可曳最好方竹未規圓湘妃更喜斑紋細  
手攜可對老友誇步健欲向名山詣還購鳩車不倒翁

歸來笑與雛孫戲

題支硎山僧鐘樓圖

昔年聽鼓趨行馬今日聽鐘到蘭若晚鐘尚隔噌吰鳴  
朝鼓已斷紆如打從前入山苦不深重來選勝得閒寫  
支硎本屬支道林名藍迴出萬縹瓦長老洪願徹人天  
布地金歸大鑪冶鑄成萬石叶六均不窅不櫛振羣啞  
懸之巨木覆之樓梵唄傳音滿函夏威儀器鉢皆整齊  
絳閣琳宮更豁間聞思大士入三摩聲聞辟支悟三舍  
繪圖紀事說因緣禪心慧業歸風雅鈍根敢以寸莛撞  
如逢夜半寒山下本無功名上景鐘那有園亭營綠野

何當便作巖谷栖常聽粥鼓依蓮社

太平庵從老僧乞小盆菖蒲

招提十里近城隅老宿相逢認故吾  
鼻觀乍通林蔭藹眼根先淨石菖蒲  
能收煙穗傳燈炷似養秧鍼倩鉢盂  
不爲引年餐九節持歸映竹伴清臞

還金陵寓廬三首

忽作吳趨行往返殊太速本無官程期  
何苦事奔逐乃知去住緣若有前定局  
僮僕擁肩輿兒子立門塾婉戀兩稚孫  
跳躍如山鹿此行雖浹辰景物亦新繹  
池荷欲開蓮園筍盡成竹進修當及時  
毋令空錄錄

棄疾

錢兒小字

昨新歸言克葬其母匱船八閱月始得低山

阜卜定

先塋次在左不在右卜期芒種前四月十有

九風日正清和壙土無緇黝坎深不及泉封崇稱其厚  
乃兄且倚廬表樹善厥後爾歸先報命慰我企望久雖  
使老夫鰥長爲從姑婦魂魄得所安何殊正邱首

他年問佳城定合傍陶山卅載關祭埽能弗念鄉關欲  
買瀟湘棹頗覺形影單兒回好攜往稍待暑風闌計期  
當七月挂席出三山豈因慕遠游亦非誇錦還維桑禮  
必敬過墟涕已潛望雲權度夏旋里正迎寒久靜輒復  
動雖老何能閒來春當更返於此息塵寰



次韻古餘同年謝贈湘妃竹杖之作

笑說楚材爲晉用年來竿木自隨身知君雅愛瀟湘品  
難覓斑痕藻采彬沅浦豈同啼杜宇蓬山應信染溪筠  
何當別採過眉榦共讀離騷賞更真

小園新竹爲風所裁恰中杖材自題三首

筠養十餘年扶衰倩碧鮮修宜支企腳瘦稱聳吟肩尺  
度因風正根皮帶露圓不須求大夏綠玉映階前

自作小東園多培菜竹根煙深留野客雨足長雲孫頗  
笑歸田樂非誇杖國尊持將采芝去商皓是家門

誰握青筠杖來居白室山仙人何可見世事莫相關酒

泛筒猶綠書傳管有斑此君吾所藉況復起積顏

古餘同年以東坡帖引國策無事以當貴安步以  
當車晚食以當肉早寢以當富四語早寢句不見  
國策未知何所本於義云何請下一轉語因戲作  
偈子

皇皇求財利往往雞鳴起客寢早猶甘惟富乃如此奈  
何多錢足穀翁清晨反欠一覺美我輩家無儋石儲睡  
到日高三丈矣請從黑甜鄉細細參此理

古餘同年夜眠最早謂早寢指夜卧言請更作轉  
語因爲之頌

日入羣動息夜作貧可憐長檠照珠翠豪富亦喧闐惟  
遊華胥國向晦遽遽然上床無勝御入夢有林泉孤衾  
窻送月一覺帳如煙精神富於養心性富於禪舒長富  
於日恬靜富於年身安斯爲富財富何有焉非徒宜夜  
卧何必異朝眠當更添一語晝睡以當僊

大熱東瞿秋山觀察用杜工部毒熱寄簡崔評事  
韻

雨足得晴霽稻田占有秋炎蒸助長養運米思泛舟赫  
曦頗嫌酷作業一齊休老疾素畏冷亦有如焚憂推書  
且撲筆坐向樹陰投熱客怯烏帽羽人想丹邱吾友得

五君拙簪霜滿頭或避喧兀坐或稽古好修或餐胡麻  
飯或登孫楚樓獨超物外者高吟擅名流小詩寄數首  
見和非敢求廼荷冰雪韻深知格調優駑駘方喘汗何  
以追紫騮清風發短詠奚啻輸一籌

熱後大雨感懷四首用工部四雨詩韻

晚雲飛雨意中宵尚遲徊五更披衣起千斛傾盆來青  
鐙閃疾雷紫電逐轟雷連朝苦煩甚一昔何悠哉遍體  
痾潛息雙眸倦不開夢偕舊雨聚覺生逝水哀幸作閒  
居賦本無經世才但願寒暑時同衆上春臺

聞道黃流壅萬艘不時至尺水養我舸安能駕颿駛米

囊六十萬擔負防遺棄般剝能幾何留寄豈美意若令  
長淮通定許踈渠易雨自天漢奔挾有蛟龍氣引淮以  
滌黃似可旦夕致特慮隄堰單汎濫傷禾穗開曙視小  
園荷竹發深翠當局擅遠猶局外莫詞費

宵來身世計未可更僕數晨興一無干獨坐對山雨日  
葵傾魏闕風木感湖渚如聽瀟湘夜輒向嶽雲佇身偶  
寄江淮心常係齊楚往來無定居買山豈巢許

雨歇雲更濃飄風捲苔席淋幔萬點青跳珠一痕碧長  
流走階除餘爰洗巖石自朝至黃昏漫空變蒼白涼生  
衣欲棉望久手頻戟閉戶耐枯坐衝泥歎行役前負良

朋招避熱如避敵今看水滿街欲往將何適氣候本隨時光陰爲過客珍重在佳辰花朝與月夕

雨晴二首用工部雨晴江上二詩韻

頓洗炎蒸盡旋開錦繡新雙扉喧曙鵲三徑話幽人待月鉤簾早看雲倚杖頻涼陰歸小圃花草亦精神節變三庚熱風先十日秋難爲河朔飲欲擁富春裘水氣猶漫野山光早上樓老來無濟勝遊賞亦宜休

用工部獨步晚晴二詩韻酬秩山觀察見和前詩并約明朝同赴魯齋明府莫愁湖上銷暑之招

半窗開畫鏡一榻倚詩城如見秋雲薄先教午夢清無

書能記熟有客怕逢生忽到招遊帖從知步履輕

備坐

晚來餘熱作未覺早涼歸賴有清詩把相看逸興飛煙  
青消竹瘦月白暎蓮肥來日攜碁局湖樓對翠微

晚晴

次韻古餘同年謝魯齋明府莫愁湖招飲二首

湖亭消暑會侵曉不須邀急雨衙窻入涼颼帶袖飄倚  
山疑女几隔水信神囂樓上殘碁局何妨一著饒

波淨開奩對秋生酌殘邀行厨芳露浥歸騎晚煙飄沙  
鷺拳長立池蛙鼓不囂如聽石城樂古調夢中饒

莫愁湖對雨用工部漢陂行韻

莫愁湖水清且奇一平如掌千頃陂蘭苔深處巢翡翠

奩鏡開時漾玻璃湖畔那容艇子入湖頭任許遊人集  
定有江妃解珮逢驂鸞騎鳳遙相及少女風翻簾箔開  
埽除煩熱淨纖埃已見火雲過嶺去更憑凍雨送秋來  
凌波微步誰能測重展鮫綃輕拂拭倚窻荷蓋柄柄青  
隔岸煙鬟點點黑天外眉痕逗遠山杯中淥襯淺深閒  
華嚴自足超三界湖亭即華嚴庵美膳何勞問八關昔年畫像  
垂瓔珠靚服韶妝爭拜趨不堪醉客多唐突致令仙子  
歸虛無昔有莫愁畫像甚工妙爲醉客所毀湖容宛睹真容至夢雨靈風  
如有意酒闌碁罷奈若何人生遭際如此多

勝碁樓用工部漢陂西南臺韻



明祖忌功勲言之猶齒冷未信君與臣對局消日永縱  
令較贏輸亦當思要領湖可作香餌碁即爲釣艇武甯  
最恭慎立竿能見影敢以一方罫遂占萬千頃其君比  
高光其臣自魏邴酬庸及樹木獎勇到蛙黽心欲何第  
一不許諸將並事同博進償義合得意靜李泌賦碁  
靜若得意帶  
礪獲偏優樓臺望清迴樵柯久已爛閒鷗戲晚景

立秋日末伏新霽用工部立秋兩院中有作韻

初伏十日熱幾疑金石流新涼方餞暑宿雨正迎秋交  
替類分轍去留誰握籌更開朝氣爽若爲老人謀薄霧  
收松峴斜陽滿桂樓葉誇春藻麗茶讓夏瓜浮爰退金

行肅身便肺疾瘳江頭風色好歸艇指昭邱

立秋後題用工部韻

伏盡秋始來曾無一日隔披襟逢故人揮手謝熱客先  
庚已度三周甲不滿百節遷業未進隙駒徒役役

秋清用工部韻

高樹蟬長噪修翎鶴自梳商聲入寥廓秋色照庭除藥  
裏祛塵曬筇枝信筆書良朋報芳訊清興定何如

疊韻酬古餘同年用工部立秋雨院中韻預送回

里省墓

歸思三年切懷鄉雙泪流辦裝愁潯暑買櫂趁清秋此

事因時感多君替我籌行期猶待卜征路預爲謀別賦  
長亭柳離筵何處樓前詩有幾日杯重把開襟對一邱句故云望雲同鶴企  
臨水羨鷗浮桑梓恭彌篤煙霞痼未瘳故山粗了願仍  
合返遐邱

疊和工部立秋後題韻謝古餘同年親來送別

聞吾當遠歸咫尺恐睽隔詩後更題詩客中先送客譜  
記衆仙同誼超流輩百衰年聚會難遲遲此行役

疊用工部立秋後題秋清二詩韻答秩山觀察和  
作

秋色正清華新詩無間隔雲錦織天孫驪珠吐淵客月

明太白三波漾東波百歸帆爲聯吟且作遷延役  
風飄金粟影雲捲水晶梳快雨送詩至俗塵和熱除涼  
生千尺樹清到一牀書比舍逢張翰同君意藹如

古餘同年以送行太早作詩自解次韻荅之

乍聞遠別便仿徨厚意真同江水長豈爲聯吟無伴侶  
多緣合志近清狂陽關已聽歌三疊湘竹應攜杖一行  
此日飛飛如社燕明年舊壘那能忘

次韻古餘同年重屬歸湘覓斑竹杖

昨讀長江詩湘筠瘦更宜自因前所贈或者未堪持勤  
重歸仍覓迢迢寄恐遲但珍霜雪操豈必愛斑枝

有自蜀寄竹杖二枝分贈古餘同年仍次前韻

客自西川至相將物土宜  
三千里外寄二老手中持  
好藉蟠根老能催步履遲  
君家有博望可辨是邛枝

次韻古餘同年贈刻字周維安

築氏初爲削誰稱剗  
賢因君誇妙手費我竦  
吟肩張仲銘超絕唐球趣  
斐然豪芒隨勢轉波磔  
用工專腕底龍蛇舞鋒尖  
斗宿懸贈之青玉案和以白雲篇

次韻古餘同年邛州之竹

邛峽產斑竹

見一統志

客比木桃投君謂職方載不如蠻徼

優名同鐵鑪步地異古梁州  
沉價非奇貨當從何處求

次韻遣懷二首

笑余亦衰耗半世苦胼胝同作遶枝鵲羨君甯馨兒寒  
生愁喘息秋至動歸思却要朝暝美如蓬導引師

餘年翻自喜百事不如人因病間爲福容子懶是真烏  
鳴求友舊花發逐時新酬唱能消日詩僮走數巡

將以秋季回里省墓而古餘秩山兩觀察先期賦  
別同會諸老欲開餞筵因預作留別詩五首用工  
部將赴成都草堂韻

三十餘年懷故都爲羈塵鞅佩魚符幸歸蘿薛依青壁  
忍任松楸廢綠蕪未下尊羹秋後熟長沙椒酒臘前酤

他鄉雖美情難已敢比賢哉二大夫

享祀今無奏采蘋空餘霜露感秋春去營室安憑兒輩  
歸展邱封閭冢人

聖代覃恩宜表墓先臣舊宅已更隣從兄二叟爲同祖  
子姪諸孫箇箇新

段橋江宅傍青溪僦屋多年路不迷豈戀桐鄉留水北  
難忘梓里在湘西布帆尚怯鯨魚浪資斧誰充騶裏蹄  
且喜大川占利涉來賓時節踏鴻泥

叢菊三開亞字闌不知門外有驚湍幾人勇退登高岸  
當事橫空上險竿扶老但宜九節杖駐顏焉用八瓊丹

同袍聞別先相送齊賦驪駒欲和難

寂莫江天指少微臨岐早已贈當歸故山猿鶴無消息  
城郭人民有是非社燕重來憐舊侶海鷗不去憶忘機  
承詢祖錢成行日預報裝棉載豪衣

次韻錢恕堂七夕詞

匏瓜無匹秋蕭索篝鐙獨坐髻如雪窻前風雨助淒其  
天上人間同此夕天上一年還一度人間斷絕何可說  
橋有烏鵲溼難填車無黃犢洗不發自從雕果閼巧筵  
都是妍皮裹癡骨銀河光照瑜珈盆兜率天宮無生滅  
謝恕堂太守招飲即和其舟泊京口疊聚星堂韻



附言金卷二  
三  
金焦兩點送一葉袖裏風生卷中雪名途旣許塵鞅拋  
懽場尚可冠纓絕閒招霜髯羅八珍細檢雲編摘三折  
疎籬麕眼光隱見奇器鶻絃音起滅娛賓非特殺核旅  
入座齊將筇杖掣老樹枝無醜態橫新花樣有巧紋纈  
試看失計水土演何處更求金玉屑寬閒歲月得嘉會  
譚笑風流信口說況逢四美聚七賢投分應同磁引鐵

題張仙楂

寶

泛楂艤楂圖四冊

堯時巨查浮海來挂星貫月凌斗魁洞仙棲息遊九陔  
先從日下窮天涯妙解荆關出心裁題筆雅令如鄒枚  
大川澎湃山歲蒐盡收畫料與詩材第一汎查圖始開

對鏡寫照水雲隈解維發軔自秦淮飛渡洪河到燕臺  
曳裾邸第交棘槐東華香土重徘徊第二集自鳳城回  
徧登五嶽超塵塵匡廬瀑布羅浮梅澳門扶胥望蓮萊  
明聖湖邊桂權催壯遊亦可眠檣桅庾嶺黃灣興未灰  
第三集更下瓊雷採研探珠得胚胎鳩江虹橋又溯洄  
途過吳越度田垓直造鴈宕趨天台歸來吟髭雪點頰  
如此不艤胡爲哉八極周覽志已恢鄉景翻如隔層埃  
腰脚雖老無衰頽童時游釣非邛峽艤查圖集第四該  
鍾阜臺城近招徠莫愁湖上酌金壘北郭西樓亦追陪  
踏破棲霞石磴苔花山天闕泉喧厓周天十二歲頻推

陽山言金卷二  
三  
艤而不艤費香煤士夫變化本難絃升天入地乃僊才  
媿我中年駕驚駘三嶽四瀆經行纔六朝山水對銜杯  
那及勝概真奇佞隨流清濁耦無猜到處賢豪爲撥醅  
百幅裝成金碧堆客星幾見接三台

題貞孝女張氏月姑二首 第一首改車秋船作

其志不可奪茹荼空影形起居隨孺子消息斷零丁皎  
皎霜中月依依曙後星烏啼女貞木淒惻若爲聽

父是乘楂客終年侍北堂從姑猶有姪許字本無郎善  
守支機石長除墮馬妝禮官新得請綽楔燦

鸞章

題我負我圖

聖賢能容人負我豪雄竟可我負人負我在人我何損  
負人在我人必贖負我負人情各別人負我負跡難泯  
此圖以我用我法何妨一身化二身是一是二無分合  
非人非我孰假真畢竟我亦安可負君爲強恕以求仁  
人我兩忘悟正因

題張月霄小照

張生金吾號月霄昭文人  
藏書甚富著書幾及千卷

二首

讀書坐便佳坐必思無邪讀書貴能思思必坐如尸能  
坐思過半能思坐不凝坐與思俱化下筆乃無疑殆庶  
惟坐忘心齋無文辭後賢讀既久斂卷窮淵微君藏弄

既富研悅有新知著述數千卷等身何足奇志專而容  
寂其貌更和夷意者博返約上可姚姒窺

少小著讀書欲讀書未足通籍奉錢餘購書滿樓屋又  
苦簿領繁竟無工夫讀多散勦竊手半飽蟬魚腹歸老  
有餘閒精神已退縮生平所作書殘缺不成幅成者亦  
疎陋冗長費簡牘觀君貌自清知君文必淑會須懷餅  
鈔追比太史錄

題王柳村豫之女貞孝

昔聞柳村徵士名今見柳村徵士貌手出一編述清芬  
中有貞女貞更孝貞於在室矢靡他孝以代兒承色笑

初聞夫耗便捐軀一日一夜絕復蘇自是心知一死易  
孝養始克完吾夫不然烈矣又更生定有誠篤感鬼神  
終身但祝姑長壽何意徇名望  
特旌徵士高風金  
焦巘乃其女者江水清

題王柳村曲江亭圖用工部曲江三章章五句韻  
杜陵曲江亭子高芙蓉苑裏看秋濤前歲登臨感鴻毛  
因思枚叔廣陵賦況有能詩何水曹

廣陵錢唐爭今古韋曲亦非傳鹵莽名勝何難更僕數  
翠屏占斷紫雲樓休論別風與淮雨

塵蹤曾未訪江天高隱何須負郭田展圖煙水浩無邊

我欲從之泛瀛海攜手瓜步駕長年

雨中宴盍山園同汪鄴樓度馬棣原功儀用鄴樓

前謝辰橋小集韻二首

一盍堪樓善眼仙登臨輒欲駐餘年半山波暎層層碧  
此日煙籠樹樹圓結構新成金盞地招邀恰對蔚藍天  
主人佳設謂李三太守步客能飲莫負涼秋選勝緣

塵鞅初來飲水甘頭銜轉後望江南重遊霞閣餘成綺  
曾見松樓老結龕狂去苾芻留舊句劇聞蟋蟀助清譚  
高臺記昔題晴昊待發繁花約共探

咏老少年用工部秋興八首韻

院中老少年奇豔勝花欣玩累月將有遠行得詩八  
首并呈同會諸老

種得珊瑚樹滿林比花更麗葉森森年光垂老驚還少  
秋氣恒陽喜護陰先飾華顛纓在頂盡披綵珮錦爲心  
神工著色深於染玉女無煩搗帛砧

豈隨凡豔玉鉤斜通體還丹服九華月子霓裳承露掌  
天孫雲錦挂星楂梧桐已報飄朝井蘆荻堪吹捲暮笳  
那似秋容開老眼去年底事愛春花

金谷繁華弄夕暉涼生風露轉霏微橫霄信有鴻初遣  
繞砌曾無蝶亂飛酌以流霞宜獨對遊同炳燭曾相違



落英莫笑歐陽九  
飈館薄寒紅更肥

修短推遷一局棋  
哀蟬落葉爲秋悲  
似憐寂寞西風裏  
故逞芳妍夕照時  
豔冷垂絲和夢杳  
香生洗手覺神馳  
嫣紅姹紫當遲暮  
且向蕭辰慰遠思

不墮塵囂不入山  
置身材與不材間  
無心拖紫雲歸岫  
著意韜華月掩關  
黃絹辭章傳綵筆  
赤松精炁護丹顏  
試看榮悴紛朝槿  
頗有當年玉筍班

樂得桑榆謝鵲頭  
似聞人唱感庭秋  
酒樓自昔懷流楚  
釣艇憑誰送莫愁  
蕙草凋時喧蟋蟀  
蓼花深處狎沙鷗  
六朝綺麗餘佳卉  
客舍欣逢勝典州

晚景彌新造化功  
薜蘿蕪生徧麓庭  
中閉門黃葉懷南郭  
載舫晴虹問朔風  
通德舊遺書帶草  
奇童曾試鴈來紅  
幼時應童子試  
還鄉似覓桃源路  
悔弗常爲田舍翁  
鴈來紅詩得名  
老人高會日逶迤  
小別投筇向葛陂  
握手瑤華開祖帳  
關心瓊樹長孫枝  
洞庭脫木知秋到  
建業迴颿約歲移  
衰皓風光須絢爛  
春歸應見萬花垂

### 杖銘

桃非桃竹非竹  
細心密理亭亭紫  
玉持躬圭璧老彌篤  
桃竹杖

前銘者百歲叟閱四十九年落吾手吾何德之修而能

如爾壽今復銘之以示後

杖爲百歲老人屠爽亭先生於乾隆丁酉年銘之今道光

乙酉  
矣

密節在根浮筠在籜亦矩亦規不支不蔓倚正直爲周

行快輕舉而登岸洵矣歲寒之伴

方竹杖

籜龍之孫是爲翠虬茁然頭角氣清邁不向葛陂化去

長與我游

叩竹杖上作角蚪瞿秩山觀察所贈

虛其心實其腹峻其節婉其目蜿蜒其形峭勁其骨措

則正而施則行養之以福

蟠節竹杖

樛櫨節豐根老孫枝蔚靈壽木古所貴宜爾子孫保其

祿位

樛木杖有孫枝

搽油樹郴州有汪君稼秋持贈厚示我金人坐材首三字銘三緘口搽樹杖

靈谷瑤枝髹漆奚爲刮之磨之昭質無虧靈谷寺僧所送竹杖

樹手栽杖手栽扶衰頽出入偕北燕臺南蘇臺東關西

陝從往來冰雪之操和羹材爲吾老友此其魁梅杖

竹產於湘素質斑章不筆而杖用其所長湘妃竹杖

虎脊麟角螭尾夔足來自海濱歸吾掌握不爲長鞭可

免馳逐不爲短棒無庸守捉正道直行惟汝之卓洋藤杖

內助云亡遺挂在手睹物思人如賓如友內子遺杖

此岐山鳳鳴竹也前銘已足當副所祝岐山竹杖

正直是守扶人無咎

桃竹拐

此君高節本殊衆可扶可倚不可弄君子出行在持重  
邛竹杖

陶山詩錄卷二十七

善化

小東園三集

早發石城用工部早發韻謝送別諸君兼寄同會

老人

宰木鬱旅懷遄歸可已病攜兒侍起居檢裝計分併  
詎吉成夙興登舟祝風正同儕多勝餞臨歧又諄命裙屐  
野踟躕冠蓋雲輝暎離情比潭深客夢和酒醒石城倚  
晴霞秋江開曉鏡照見遠別心相期德業盛揮袂五兩  
高迴首三山淨因思聯社翁辭榮養真性屬余班杖求

雅勝蒲輪聘南征復東旋共把青松柄

### 龍江舟行

解纜秦淮向上游昨朝纔過石城頭  
九秋風雨開先路六代江山送客舟  
東府聯吟懷舊侶西梁入望俯洪流  
蒲帆初試輕颺穩但願夷猶到橘洲

七十三初度鳩江舟中示錢用工部宗武生日又  
示宗武二首韻

客舫逢初度鄉關隔半生何嘗懷遠志祇爲逐浮名  
七  
裘懸車事三湘展墓情老憐黃犢重閒羨白鷗輕  
川路  
心先到山居計未成蓬窗風日暖黃酒且先傾

襤衣從少子藥餌侍匡牀試問樽隨杖何須印佩囊奉  
親貧亦樂爲汝壽應長璞自藏和氏材還養豫章飛飛  
懷燕壘落落謝鵷行松檜重料理無心問草堂

重陽日繁浦守風用工部九日三首韻

惡說南風長繫纜且從東浦漫登臺帘懸白墮津樓引  
曲簫烏鹽梵宇開布襪老憐行自得曙袍人訝客何來  
重陽令節兼佳日莫任長江後浪催

昨日逢生日從兒酌壽杯何期朋舊遇相對老懷開

武蘭圃廷選謫官粵東以疾告歸別將廿年相遇於此故云年到杖朝近舟經駕海

迴屬渠邗上住隔歲我還來



附山言錄卷二十一  
送友分江路逢漁問水源三山光在望九井跡猶存種  
菊謀籬落簪萸夢里門鶴輪雲送影鴻印雪留痕饒想  
諸孫餌醪知上客樽獨吟惟子和詩律更誰論

九月十四日池陽守風用工部上水遣懷韻

是日爲

先大夫  
生忌日

秋盡月幾望候當霜降後思親輒愴神歸舟重回首昔  
吾事先公敢言食適口每逢此生辰稱觴聚戚友烹  
羔趁寬閒舉杯相勸誘含飴老爲娛逐臭貧所醜著述  
勤自鈔登臨健能走遺黎頌東岱末學仰北斗崖竦大  
夫松門列先生柳梁木忽已摧竹帛豈終朽不肖叨晚

遇 推恩遲又久修德必獲報邀榮非倖取官遊三  
十年耆舊尚存否且保林泉軀暫返雲夢藪望祠捧  
黃誥展墓醺清酒前葬從哀賀今還媿疏受詎阻上  
水船未駛開帆手日暄雖偶宜風便幾時有江沙見鷺  
拳山寺聞鯨吼追懷介壽期彌想崇封守自足馬少游  
無忝張子厚懿訓憬當年律身絕纖垢

舟泊皖城用工部秋盡韻

江行秋盡尚遲迴夜泊舒城水曲隈霧重戍樓聽吹角  
月明孤榻對銜杯但期順利良風至莫謁華資舊雨來  
船裏別無消遣法大雄山色向窻開

謁余忠宣公祠墓二首

昨緣節使表孤忠本傳書碑寄一通讀罷思題天柱雪  
到來喜泊皖江風維山獨秀名齊斗與水同清氣吐虹  
往代興亡關峻節有元冠帶尚存公

獨秀山名  
清水塘名

保障江淮寇可平寇深援絕竭餘生恩令士卒同甘苦  
義合全家赴潔清高冢暮煙籠樹直芳祠秋日照江明  
維舟九月親瞻拜不是龍山眺望情

公墓在  
龍山陽

登大觀亭

不有標奇節何能壯大觀江城原鳳翥祠墓特龍蟠山  
擁亭如畫雲橫客倚欄地因人更重心目共盤桓

望小孤山用工部牽牛織女韻

君山在湖南金山在江東波心皆突出名匪此山同此  
山亦單椒其號乃朦朧稱孤形固合云姑義鮮通青溪  
蔣三妹無郎尚虛空陽邱女郎山未聞匹金童駭茲彭  
郎偶相對水晶宮林巒豈粧鏡泉瀑豈簾櫳縱有陽臺  
雨難免石尤風黃姑即河鼓來往氣化中猶云嗟未嫁  
何得甘所終岫與磯並峙那有憂心忡因思丈人岱大  
小壻齊崇俗情多傳會富媪生物功玉女洗頭盆泰華  
仰仙容山神祠聖母下界當敬恭山名合由舊說本歐  
陽公試看千丈竦雅稱萬夫雄

過舊彭澤縣懷陶靖節先生

到官纔得七十日，暮然便有歸與情。  
三徑資原止足計，五斗米爲折腰輕。  
且免督郵臨束帶，載欣僮僕候瞻衡。  
館前柳如甘棠植，田中秫自柴桑耕。  
笑我宦遊三十載，始克抽身辭世榮。  
栖遲州郡多滯跡，言旋鄉縣今成行。  
風帆遙指度彭澤，雲岫無心媿先生。  
昨經荊所未曾訪，桃源何處漁舟橫。

遊琵琶亭過海天寺望廬山

樂天居士善行樂，冒爲琵琶歎淪落。  
才士失志古所悲，簡兮碩人歌秉籥。  
當年司馬謫江州，匡廬在念稱心求。

香爐峯下可卜築風月主人喜優游應識青衫綠底濕  
致令綠水亦含愁至今小艇聞子夜猶指危亭在上頭  
昨經江漲亭漸圯我來遺構多殘毀空傳古調青盃舟  
況復哀絃黃土妓慧業合歸兜率宮海天蘭若墜樓通  
開門五老屹相對隔江雲氣連空濛此時未睹真面目  
何處春明錦繡谷會訪香山舊草堂榻上漆琴彈一曲  
樂天廬山草堂記堂中設木榻四漆琴一

泊馬當洲

偶乘牛渚月來駕馬當風著意成才子閒情送老翁江  
行忘二險水宿戀孤篷夢到衡陽浦驚寒聽遠鴻

夜過黃州泊三江口守風二首

晚風送客過黃州那許停橈問竹樓指點前川芳草渡  
遲迴小住木蘭舟三江口合帆齊落二別山懸霧未收  
登岸閒行煙樹裏田夫野老話綢繆

種麥扶犁意態閑東坡遺蹟若相關

東坡在黃州與田夫野老相從溪山

間因築室東坡何人共上黃泥坂幾處爭題赤壁山橫槩氣銷  
陵谷外吹簫聲記水雲間莫嫌機棹多留滯猶勝狂瀾  
動客顏

十月一日大風用工部十月一日韻

行遇長年老說當來日難

云是日當有風暴

土囊風果發沙渚

氣先寒泊岸呼加纜驚心羨耆癯大招憐舊俗合族飲  
同歡鄉人以此日爲十月招禮俗頗同清明

### 登黃鶴樓

四十年前一再遊何期耆老又登樓仙人似舊曾相識  
黃鶴而今不可求客裏江湖催畫鷁望中煙雨狎沙鷗  
題詩各自成千古贏得閒雲付棹謳

### 黃鵠磯

夏汭橫江竦石磯川塗西望隔斜暉舟行遲似鮎難上  
舟泊鮎魚套杖拄高疑鵠欲飛林澗幽居懷仲若雲霞颺舉  
羨文禕晴川相送煙波影咫尺鄉關斂板扉



仙棗亭

恒春樹在列仙家  
仙子能開頃刻花  
却賸摧柯堅似鐵  
幾曾摘實大如瓜  
客疑佯說囊黃布  
我欲誠求拜紫華  
別種係枝高出屋  
玉文何必問根芽

黃軍浦

軍有大山兼小山  
黃軍浦在兩山間  
江東千里規模定  
天下三分氣運關  
赤鼻旣同毆敵散  
烏林何苦索州還  
存吳抗魏圖恢復  
事變違心涕已潛

上岳陽樓用杜韻

范子初無記燕公  
先有樓江湖與廊  
廟鶴翥亦鷗浮四

十年前客三千里外舟憑軒吟杜句勝地託名流

開船數里遇逆風迴泊南磯港用杜泊岳陽城下  
及纜船苦風韻二首

江城橫四面樓閣聳三層鳥下巴陵樹船依釣艇燈輕  
帆晨發疾逆浪晚來增便作乘風轉真同鷗化鴈  
打鼓隨流去迴颿隔岸呼載來藏夾港幾日望重湖客  
夢三湘近寒吟一枕孤神仙數還往欲訪舊黃墟  
望君山過洞庭湖用杜望南岳入洞庭湖韻

枉渚留三日長沙隔一湖恐難中泊岸未敢動連鰣順  
起千層浪平催十幅蒲揚舫南去盡鼓櫂北征無作字

波非折題詞筆可塗君山橫處遠湘水漾中孤不分經  
秦赭惟懷向舜梧聲聲張樂譜面面望衡圖遲速疑前  
定周迴免後虞何能窺橘社還似指香爐初服重來楚  
扁舟已泛吳鄉音喧聒耳檣上舞神烏

入喬口用杜韻

湘北洲渚近湖東雲水賒銅官初度影玉筍已披華村  
市孤煙直崖邊小樹斜因懷舊風景落鴈指平沙

銅官渚用杜韻

落槽浦澈出挾拖淺深間風送黃陵廟煙橫紫氣山病  
嫌船偶側懽怪酒常慳雲母堪爲餌停橈欲一攀

杜詩北風篇原注新康江口信宿方行今次其韻  
順風催片席息困勝皋蘇影度橋頭驛先生竹火鑪九  
秋一色水三十六灣湖澤畔寒魚躍洲邊落鴈呼船  
無滯穩蓀葦半芟枯望國村煙近還家釣艇須歸  
歲月已漸盡程途天上長沙子人間屈大夫昔賢當侘  
僚吾道免馳驅過過新康市維舟嶽麓隅

抵長沙仍用工部赴成都草堂韻五首

憶自公車上  
帝都出身先綰屬城符名場歲月忽  
忽度故里田園漸漸蕪老去宦情帆早卸歸來鄉味酒  
頻醑國門近送衰眸喜願向郊廛受一夫

歸權清湘檝綠蘋風和真愛小陽春入城便問經由路  
行道多疑作客人且向此間謀信宿未知何處訪鄉鄰  
半生棲止勞懷想汲轆茹蔬色色新

六逸當年慕竹溪重尋舊雨半淒迷徐公尚自來城北  
杜子長應戀灤西情話親朋關骨肉生涯事業付筌蹄  
近時風景增殷阜踏徧銅街不著泥

就居姓氏署門闌靜看烹茶起素湍夜生怕延風一綫  
朝眠喜到日三竿同披野老黃棉襖頗愛田家黑牡丹  
肺病却愁酬應劇城闌謝客本來難

申塗上冢趁喜微華表先今化鶴歸風木悲來行且止

雲山指處是耶非從頭夏屋加封樹回首春暉感斷機  
仰沐 皇恩光祖澤猶堪拜稽被朝衣

赴鄉至柳樹塘宿姪釗宅

出南郭門望故里岡阜陂陀昔所履延望頗如相識人  
稱名却倩輿夫指野涂漸轉入村莊林巒深處柳樹塘  
塘頭老屋三間在門外新松百尺長稚子趨路扶短策  
婦女啓扉拜深堂吁嗟吾弟早即世弟婦持家長滿霜  
獨子多孫孫又續一一問訊未能熟猶子事我如事父  
使我孔懷倍傷觸族黨少長來省視追詢祖父略可識  
去宦遊苦久歸苦遲話舊幾如隔世事

拜 先大夫墓因望 祖以上墓二首

傍宅巉峨擁數峯中間掩映碧芙蓉 先公自卜牛眠  
兆此地長留馬鬣封久曠禁煙親插柳那禁雪涕近攀  
松但乘下澤依墳墓不羨高勲列鼎鐘

吾宗百世宅田心師子山爲祖墓林塋域後來分占嶺  
松楸多半已成陰料量筋骨當寒暑指點煙嵐在遠岑  
好待清明齊上冢先教培土輒沾襟

謁兩從兄

大父生 父與兩叔同祖兄弟我第六第一天折二房  
斷第二同懷吾家督第三四五出三房第七胞弟已不

祿七人尚有三人存三兄五兄尤相睦年近八秩皆康  
彊聞我歸來先信宿今從鄉黨問新居好向池塘尋舊  
屋杖鄉杖國相扶持諸郎諸稚笑奔逐因見孫曹善屬  
文絕憶兒時同就塾脊令多歎原隰哀黃鳥纔歌復邦  
族

祠堂行焚黃禮因修祀事二十四韻

戶編前代季祠建我生初衍澤崇堂構承

恩賁里閭重熙開慶典二品荷新除錫類光泉壤治謀  
仰德輿懷歸時望宇 賜告正懸車建白才原忝焚

黃禮未踈質明陳俎豆子姓集簪裾宣誦聲齊聽燕蒿



氣上舒燭幽光奕奕受社色與與是節逢長至因時詠  
樂胥楚茨傳在雅鐘磬出於虛 祖考來歆格雲初共  
餽餘敬宗宜合族曠祭實慙予老矣隨蹕濟羣馬問起  
居寒惟躬奠獻春更訪邱墟老樹先人種新碑小子書  
中年別林壑近日返樵漁幸獲一朝饗奚求三歲畬梧  
捲藏岱麓棲托隔衡廬旣展維桑敬何論儋石儲吳門  
仍犧棹齊野合薪樗止聽縣蠻鳥游觀唼喋魚此庭垂  
蔭矣長世遠條且奉祀憑賢裔威儀永秩如

至日即事用工部小至韻

村更曉向短衾催起捧

鸞書入廟來天上

恩光新木主地中陽氣起葭灰前年待漏依宮柳今日  
探春問野梅且喜本支咸在列相隨飲福共傾杯

自息機園移居柑子園舊宅三首

頗愛街亭說息機喧卑却與願相違復其舊宅何妨陋  
仍似僑居不當歸池影周迴魚策策巢痕重覓燕飛飛  
荒園剩有雙柑在鼓吹聲中入翠微

贖還館舍笑囊空博士由來一畝宮

本鑑兒爲訓導時宅藥叢書

鐵銷暮景羹魚飯稻逐鄉風來時齊頌南飛鶴到此先  
逢北向鴻三十餘年彈指過粉榆雞犬認新豐

草堂賢更向誰嗔那有桃源許問津門不容車駢貴客

庭難旋馬稱閒身巖間未訪煙霞侶宅者猶稱市井臣  
不去其鄉良不易故園且得度新春

雪二首用工部夜雪對雪二詩韻

長沙冬雪少豐稔兆續紛厚集歷三日高空同一雲南  
樓窓色曉東郭屐聲聞開戶風搖樹彌懷抱節君

往事類搏沙新寒喜到家浮居仍一葉望歲已三花薑  
食扶衰久薪爐送暖賒不須愁感發夕照護歸鴉

懷金陵居止二首用工部懷錦水居止韻

琴書常小憩屋宇本無多舊部親鄉里比隣洽嘯歌三  
山遙入望五老數相遇門外秦淮水通潮送遠波

橋近青溪宅園輪綠野莊經營多歲月來往是星霜么  
鳳桐孫綠羣鶯杏子黃登樓聊眺望雲水入蒼茫

又雪用工部韻

嚴寒透窻隙前雪未全消兩度異乾濕數來無近遙瓦  
溝空輒滿蘆淡伏難驕喘息雖愁劇休閒免郡朝

送竈

比隣此日祀先炊家食當年歲有祠遊宦幾無黔突地  
還歸仍設奠陞儀嚴君改井同其敬老婦盛盆逝已悲  
不學黃羊求富厚衰齡但願足饘糜

題黃虎癡市樓看山圖用工部嶽麓山道林二寺

行韻

南樓感舊景不殊湘西對岸路威紆夾澗喬松歷盤磴  
諸峯疊秀瞰重湖登閣少窺鵠頭榜宿庭晨燕鵲尾鑪  
塵鞅歸來霜滿鬢寒廳坐對雨跳珠我所思兮望弗及  
將往從之誰與俱每循城角矚林鹿空向渡頭瞻檣烏  
極知名勝四處少甚欲描寫一字無詩畫喜披錦囊讀  
騷壇正藉雅輪扶煙霞縹緲心共賞脂韋齷齪筆能誅  
定王臺邊秋色爽雲陽市上風味腴餐菊飲蘭過軒賦  
嘯猿舞鶴隔水呼健羨興高神仙侶頗惜緣慳衰病軀  
猶記渭北題餞會曾詠終南積雪圖青門握手朝雨散

赤沙返櫂夜月孤山英顧我情脉脉歲杪逢君話子子  
春暖攜圖策斑杖一重一掩問樵夫

立春日宴姪鈞宅用工部立春韻

歲前三日春先到值我還鄉度歲時從子一庭齊酌酒  
衰翁兩鬢早垂絲歸從久宦童皆老話溯前聞喜且悲  
戰勝孫曾羣拍手莫教歌誦脊令詩

雙柑書屋度歲二首用工部甘園及杜位宅守歲  
韻

但有三間屋曾無半畝園移居逢歲改近市覺聲繁梅  
影隨吟杖柑香浥酒尊自書春帖子春色滿柴門

三地盡爲家今宵共燭花江雲懷老鶴岱樹戀慈鴉葛  
藟根應茁桑榆照易斜呼兒同煖熱得分已逾涯

得家書用工部韻

鄉郡逢除夕江淮寄素書歲時言順序婦孺得安居海  
道興飛輓河防罷浚渠才臣功不忝儒術計原疎泉石  
開遊榭耆英擁醉輿風流推白下雅韻逮黃初望我隨  
巢燕呼朋共釣魚未知梅樹下曾否破雲鋤

丙戌元日示錢二首用工部元日示宗武又示宗

武韻

歲改風初暖春來日漸長暮年思少小吾土異他方攜

汝操筇杖隨翁試筆牀趨承無俗客拜賀有諸郎中雷  
然雙燭屠蘇晉一觴不須侵曉起追媿列鸞行

旋里仍如客但餘書滿牀族親多寔室任卹解空囊從  
政傷於拙謀身用所長汝能親筆墨余自愛篇章即以  
巾箱業傳之孫子行會看雙鳳躍醺醺賜朝堂

人日用工部韻

草堂昔日題詩寄水國今朝帶雨看亥字人歸新益歲  
辛盤春到漸除寒觴因旣翕歡同引琴已無弦調不彈  
天上長沙疑在此喧祗未覺物艱難

城市喧譁  
甚於往日

穀日用工部人日五律韻



元旦新晴後連朝陰雨時風從昨夜緊春到浹旬遲百  
穀應無害三農莫預悲且傾椒柏盞鮮鯽鱸銀絲

次見川兄七言排律通韻四首

有序

從兄見川聞余歸里即自鄉來城相晤今於新正二  
日復來賀歲餽以酒肴且出客冬喜弟來歸詩四首  
見示因依韻疊和

懸車返里約前年人事相牽類絮藩宅者迴還懷百世  
友于隔別越千旬聞歸色喜楚然至談往情殷藹以仁  
桑梓我惟攜幼子芝蘭兄正抱曾孫每思共誦清芬德  
各道難酬罔極恩少小肩隨如昨日對牀晨夕話聯綿

服田力穡幸逢年自昔  
詒謀道德藩小子非材膺異  
數  
大君有命昇來旬  
龍光疊沛追崇澤燕翼

齊蒙錫類仁畫棟三重隆  
享祀冰壺一賦教兒孫虛叨  
行省平章事長荷  
當朝浩蕩恩轉憶慈雲連泰岱  
春暉寸草正芊絲

愴懷天顯十多年子季先嗟載以藩幸仰庚垣留二老  
都書亥字有餘旬鯉庭共學詩兼禮鶴算長欽壽本仁  
肩構修祠推族長能文紹業屬昆孫扶筇歡洽三元節  
陳饋情深一飯恩我怯春寒苦岑寂欣逢絮語勝裝縣  
無田負郭養餘年近市瓜廬擁竹藩敘舊親朋凡幾輩

入春陰雨已兼旬慮多心竭慙將智折久腰勞患不仁  
醺酒輒思諸父老含飴常念兩童孫兒時遊釣懷先澤  
宦後棲遲感上恩待到清明同拜埽風和郊外柳  
如絲

正月十日雷用工部雷韻

昨始逢人日今聞出地雷五更聲乍起一榻夢初迴蟄  
啓春蟲動喧和爆竹來雲陰當解駁盼霽上亭臺

是日暮雪用工部對雪韻

陰重雞栖候寒深鶴髮翁震雷方送雨霏雪又因風影  
欲欺燈暗顏難借酒紅來朝開戶視玉屑尚飄空

雨不絕用工部韻

王春暖氣透三微忽見同雲五出飛未到地爲陰雨雜  
竟連天望曉光稀閒庭漸覺苔侵榻行客思將瓦作衣  
法應農占霖不止可憐鳩婦更無歸

題程春海學使橡繭詩合鈔

杜韓新樂府漢魏古風謠橡與桑侔利絲因繭益饒轉  
軒周塞徽鼓舞徧官僚稷卨身先許園墾入教條

錢兒往南嶽進香用工部望嶽韻

璣衡應南極朱陵開夏王竦傑獨爲宗神靈莫敢方昔  
嘗祈親年重趼奉辦香延齡懷喜懼追養愷存亡生長

近岳麓官跡遠湖湘雖美非吾土常若在其旁疾痛呼  
父母遙禱首頻昂芙蓉九千丈恍惚入瞻望退閒經白  
下寓館偶回翔冬烘因不戒鬱攸凌雪霜燄已及薪梓  
勢欲炎崑岡祈禳獲反風幸存舊草堂感仰切登陟喘  
息愁倉皇命兒躬頂禮元旋占履祥

上元夜月用工部月圓韻

開年初見月元夕恰當扉照地金波活親人玉宇依春  
風吹霧斷星影雜燈稀不踏芳塵出燃藜到曉暉

正月二十日大雪用工部後苦寒韻二首

正月兼旬雨不絕昨夜寒深雨夾雪瓦溝一望積沙平

階砌但見流波折汲泉細漱齒生冰呵凍作書指出血  
引領日照雲開裂

往年終南初落木積雪漫山下封屋今年三分湘水春  
雨見飛棉落杼軸肺疾那禁冷得酷和風一鼓化爲澌  
瑟縮衰翁喜可知

喜晴用工部韻

湘城雲欲沈山氣夕始佳乾鵲叫清曉竣鳥吐光華冬  
來雪頻飛未見梅發花所思在江路待往無津涯素稱  
卑濕地牀几藏蛙蛇況余嬰肺病湫底歲月賒東吳旣  
久客南楚初到家盪滌資麥麴服食蒸胡麻寒凝胸有

核陰重足如辰惟望逢開霽可以除癥瘕負暄得黃棉  
怡顏勝丹砂始焉宿霧解遙見酒帘斜語冰慙夏蟲貫  
月羨秋杳便有兒童唱長無大耋嗟

上定王臺用朱子韻

軫垣分轄在壤子建藩來故國曾無邸高岡尚有臺寸  
心青草合極目白雲開千載登臨者同深陟岷哀

驚蟄節日小雨寒甚用工部復陰韻

春晴三日開側塞又驚雪壓紙窗黑敝裘難禦二月寒  
新炊未熟孤煙直人言啓戶百蟲走冷凍絕勝雷聲吼  
君不見鄉社喧呼田舍翁瓦盆準備醉治蠶

題王三雲樵徵士

開瑋

油油草陔圖

取南陔詩意

人生至樂在循陔重補笙詩畫幃開草色宛如趨燕寢

里名雅稱上春臺

所居名油草鋪

已騰茂實徵書起先誦清芬

入夢來

雲樵曾夢其曾大父九溪宏博口授此詩

觸我故山風木感羨君長

舞綠衣萊

題黃花私學博

本賦

詩稿

三十六灣草廬稿花耘博士詩格老詩思愈曲愈清逸  
如水灣環轉灝淼少時淘汰出新意中年自得由深造  
樊南矩度出少陵詣力渾成絕浮藻如何官不挂朝籍  
竟共義山悲潦倒尊甫爲吾總角交每憾玉樓赴召早



君以幼孤發清芬手筆迴出風塵表豈知文章憎命達  
負米遠遊難却埽捧檄纔得一種榮炊黍已爲二豎擾  
我來校君賢母錄簡端敘論傷懷抱更將詩卷讀終篇  
無端感喟生幽討轉思詩源遠且長定與湘流同浩浩  
詰弟推波復助瀾立名原不在溫飽

雨中謁屈賈二公祠祠本賈傳故宅用唐劉長卿  
戴叔倫韻二首

濕雲閣雨放晴遲若爲騷人才子悲莫怪左徒傷閨主  
獨嗟前席遇明時一篇合傳標青史千載同龕愜素知  
定有精魂共來往芳馨親擷水之涯

靈氣連蜷天一方  
合祠初闢故宮荒  
情如捨宅同哀郢  
道在投書爲弔湘  
蟬蛻襟懷超物表  
鵬鳴境況付斜陽  
升堂載鼓迎神曲  
呵壁風生桂酒涼

賈傳井

志言井上狹  
下廣如壺形

定王臺載建賈傳井  
依然孝思常瞻祀  
忠謀若涌泉  
壺瓶深百尺  
綆繙汲千年  
不信甘先竭  
升沈莫問天

賈傳石牀疊前韻

井畔銀床在留痕  
坐宛然  
固應牽百丈  
亦可玩三泉  
卑濕又斜日  
沈淪空少年  
何如穿膝客  
一榻向雲天

金陵三老寄和早發石城及龍江舟行詩疊韻再

寄

盼到賓鴻書醫我獨鶴病饑席一分張吟壇難合併秋  
水又春生農祥已晨正幸枉賡酬篇受書如受命入手  
林風清開絨梁月暎張老善遣懷一噴輒一醒瞿公句  
先成詞華輝藻鏡魯叟亦豪邁聲高由氣盛倍懷香社  
開恍對澄江淨我歸及清明祭埽遂天性便當尋舊游  
不復行歷聘相期各康彊嘉會遲談柄

右半發韻

願副平生馬少游村牛散放脫籠頭僦居頗近三閭宅  
訪舊時操一葉舟最憶鷗盟聯海溼早驚鴈陣逐湘流  
爲求斑杖今稀罕合採浮筠向十洲

右舟行韻

擬元次山宥樽銘

隆其骨竅其顛深之爲壘洗淺之爲梧椽爰儲良醞爰  
斟釀泉杯而飲之純任自然麴生恬澹石友渾堅同溯  
羲農之先

歐陽黃節婦暨聘媳李貞女詩

姑爲未亡人婦又嬰兒子兩節固足奇難在一門裏當  
姑失所天靡他先自矢爲撫藐諸孤其義重於死擇賢  
蚤納聘謂可延宗祀豈期邁隕折未及成婚禮廼婦篤  
堅貞許字即夫矣從夫要其終養姑自此始入室奠蘋  
蘩上堂奉甘旨形影依相弔魂魄感且涕遺芳迥荻畫

秉操耀彤史作詩述歐陽氏曰黃與李

約友人遊嶽麓因雨不果用工部阻雨不得歸灤

西甘林韻

有雲常在麓無日不爲霖忽見朝曦晃思探岫壑深刻  
期呼渡待訂友撥煙尋藉慰清遊目聊攄久別心豈期  
飛石燕先已叫溪禽中夜雷轟谷凌晨霧滿岑雨聲懸  
急雷春氣困頑陰蹊有泥埋屐門無日射金因之停短  
策空自望重林礎逗書樓潤苔橫竹榻侵憶前辭嶠鶴  
歸賸斷絃琴遙想山英意應嫌俗士襟勒移傾浙瀝阻  
客向奇嶽遲暮慙鄉井新晴盼曉潯巖端分野色澤畔

聽桴音可許攜腰筍登攀碧玉簪

溪州銅柱歌仍用故楚學士李皋韻

鐵馬嗣王繼前列範銅爲柱鎮蠻越精夫歟氏古九黎  
彭姓世傳雄洞溪稱兵自謂險可恃靜江指揮定其地  
武穆靈爽實式憑束身納歟如懷冰此舉昭信兼示惠  
何異伏波勒銘誓惜哉荒宴損精神九龍無處尋會春  
清明前三日肩輿赴鄉遇大雷雨用工部小寒食  
舟中作韻

肩輿出郭曉衝寒猛雨淋浪響籜冠耳畔風霆來不意  
眼前雲樹渺難看瓦爲油蓋猶疑漏淖觸釘鞋便作湍

二四十年纔拜埽縱令霑濕敢懷安

清明上冢用工部清明日二首韻

林巒雨歇吐清煙飾墓豐碑尚在船且趁清明開杳靄  
先培封樹望延緣屋橫澗壑人非舊草長山邱春可憐  
馬鬣崖邊皆屹爾牛眠嶺上更遑然如聞化鶴鳴華表  
但見歸鴉送紙錢多少攜持齊上冢問誰插柳是高年  
陟屺興嗟東復東春來應見草蒙茸可憐井白人安在  
相伴瓶罍器已空體魄雖因移徙異精魂仍許往來同  
恰逢春露香醲桂迴憶秋霜葉落楓懷桷几筵修建後  
松楸岑蔚顧瞻中還當岱麓躬料理那惜勞筋七十翁

至葦耙塘舊宅用工部寄題江外草堂韻

往歲宅一區喬木猶依然當時卜居止無意觀流泉  
準賢財稱聊與身家便四山樹周匝二塘水連延田  
六十畝食支太半年佐之以舌耕頗能窮益堅蓬徑  
滿仲蔚書帷下廣川已辭公府幣忽促孝廉船何期  
通宦籍未敢學高眠跡淹皇華路情寄白雲天幸緣  
滌老退始免塵網牽此堂懸手澤瞻省念所先堂有先君子銀楹帖  
時舊遊釣林麓長風煙莊客既功勤隣叟尤德全感  
謝復赧顏又辦青行纏雖非勒移恥來往亦可憐

題李澹聞先生

先香康熙中  
建昌令

釣艇遺照

爲其曾孫  
紹文題



一葉扁舟一釣翁蕭疎意態自春融綸竿獨裊煙波碧  
蓑袂猶披晚照紅身現宰官隨幻影傳尋高士仰清風  
縹緗綠綺千秋業

畫中有琴書在船內

豈特南宮畫舫同

三月三日觀白沙井用工部太平寺泉眼韻

照見潔士心皎然出榛莽泉脉千里遙汲養與終古疑  
自天一生來從清虛府萬派何由侵纖塵不敢侮細聽  
豈有聲熟視若無覩弗竭且弗盈可嘆亦可雨我昔違  
鄉井衣沾軟紅土歸來酌寒冽絕勝斟膏乳飲水思其  
源始達由半縷恰逢修稷辰於此參靜趣甚欲濯滄浪  
底事灌園圃功在中冷上品泉笑陸羽

上巳日邀蔡六雲帆

用錫

遊嶽麓壘前題看山圖

用工部嶽麓山道林二寺韻

卧遊行遊虛實殊題牋命儔詩思紆天放新晴照西麓  
人約舊雨渡南湖浮洲頌橘載褰艇懸洞抱黃有煉爐  
三閭祠前采芳芷二妃雲外懸明珠牡丹葩後杜鵑發  
絳桃豔與紫荊俱可惜道林落師象但餘老樹藏鳶鳥  
百泉軒遠辦香在四絕亭荒一筆無急尋赤石倒薤讀  
徑上丹椒短筇扶東林訪寺茶正熟北海搗碑薺先誅  
對江列炬見臺竦講院橫經知道腴名山壇席憑誰主  
空谷鼓鐘應客呼甚恐猿鶴怨僞俗敢辭跋涉愛孱軀

騁懷如修蘭亭裊愈病更勝輞川圖且免鷗盟問諾責  
却訝罵語笑羈孤老逐風光愛和暖歸聽前後歌囑于  
長記六朝松高古底須秦封五大夫

城外看花用工部江畔獨步尋花七絕句韻

即效其體

聞道近城景爛漫幽興忽發逞清狂辜負梅花賸落葉  
經行小市滴糟牀

青帘幾處挂湘濱湘水家家熟釀春偏是好花紛滿眼  
傍依酒舍勸遊人

庵名椅子梵王家過屋山茶滿樹花却說尊官來賞讌  
朱衣綵仗照江涯

何事絳騶衝晚煙此花曾無態取憐茶香恰與花名合  
爲啜冰甌就法筵

江邊有船吾欲東聊因蘇困踏香風桃源地近瓊英徧  
莫遣飛花逐雨紅

山石榴花山下蹊長本短本高低蒼顏白髮春鶯笑  
綠樹紅亭杜宇啼

不信牡丹占富貴獨喜雲麓暖風催留連春夢深深記  
分付將離緩緩開

舟過湘潭用工部過津口韻

衡山獨嶠翠湘渚何清深泛波出近浦溯源向遙岑茲

縣稱殷阜環城富園林偶涉闌闌外時聞絃管音故友  
昔作宰循政得民心謂衛際可鶴汀邇來爭水火我過感人琴  
翹瞻芙蓉影聊展薜荔襟

舟過石丁石上有題懷杜巖者意即杜詩所謂空  
靈霞石峻也用杜次空靈岸韻

誰題懷杜巖舟行入晚眺神工既靈闢詩句特清妙沙  
經浪掇剔石挾崖橫峭層疊帶雲披璀璨發曦照杜有  
賓從勞我無儔侶嘯空應指虛谷奇不數荒徼或疑鑿  
石稱恐詒浣花誚傳語好事者片言可扼要

杜詩宿鑿石浦當即今黑石鋪在湘潭北六十里

補用其韻

橘洲與波浮蘭澗得春麗上水漿難打順風纜不繫濃  
雲咫尺瀟明星三五嘒昭潭映深窈黑石隔蒙翳此行  
緣疾痊親往謝神惠非同杜子征遣懷愁積歲遲速隨  
所遭閒咏無拘係

過涿口用工部宿花石戍韻

涿水通官橋赭石橫野戍春駒躍菜花謝豹叫楸樹且  
喜雨氣歇未覺韶光暮筐女行遵微籍人物取互居民  
各有適雜英紛無數雖然困挽船何必悲行路少陵詩  
多感罷農意所注我自著唐滂安敢鑿杜固川塗違半

生恍惚憶前度誰能步後塵聊稱遂初賦

晚洲上灘用工部次晚洲韻

湘流入湘潭水石正奇壯遙聞怒濤聲近賦懸布狀一  
葉欹不正百丈挽難上晚洲名長遠老杜句精當從此  
登陂陁底用生欣悵神嶽在眼前風利船好放

舟次衡山縣仍用次晚洲韻

瞰收黃霧空廳鼓碧濤壯峭帆搖客夢飛瀑瀉塵狀昨  
備牽纜卒今反載船上傍郭整檣泊入山先屏當迴憶  
累趼行殊增既往悵羣峯度筍輿深林聞梵放

夜宿嶽寺松竹林晨謁嶽神廟用韓吏部謁南嶽

廟遂宿嶽寺題門樓韻

山路蒼髯叫黃公山僧遲客方禺中向來緇黃分兩街  
偶憩松竹瞻大雄事緣祈禱當報謝景自高深何暇窮  
才非相如但善病寒如滿奮常畏風前者腰膺苦加劇  
遙仰巍哉因求通果然起坐漸輕快遮莫壅閉已全空  
炳輝頓照幽闇徹暄和齊化冰雪融清羸再造感紫府  
綠章一封進琳宮靄靄香升煙穗碧熊光映燭花紅  
豈爲靈毓始生幹或者神憐無貳衷因之採策逢吉兆  
一如垂蔭庇微躬劉郎蠟屐誰與共韓子卜珙將毋同  
自昔登頂觀日出而今屈指幾星終巖巒輒動攀陟興



筋力恐虧造化功且隨粥鼓飯蔬筍迴看釣艇花朦朧  
拓得螺書檢蠹簡載將嶽色還江東

由嶽廟回長沙用南嶽志中韓吏部王右丞司空  
表聖韻三首

逸興思躋望日臺山僧漫說雨風來留餐野筍茶甌進  
索寫溪藤硯匣開四十年前機邈矣九千丈上太高哉  
頽齡竟誤登峯約長揖巖扉首重回

竹兜輕度白雲潭松逕難窺赤玉龕何日攜筇趨嶽頂  
中宵鼓櫂出湘南雖憐屐齒迴華蓋已覺衣帽染翠嵐  
但得此身長健在名山重到性猶耽

風催五雨趁晴光數舍無須饋十漿對岸乍披雲麓影  
隔溪時送畹蘭香啼鵲到曉聞江畔旅鴈先春別岳陽  
我是朱陵洞天客行踪莫定鬢成霜

將還金陵留別長沙親族用工部留別湖南幕府  
親友韻

行將梅藻夏來自菊辭秋祠墓粗料理鄉園動別愁親  
朋聯話密子姓愛才優暄暖臨歧改輕寒襲短裘

發長沙遇雨用工部發潭州韻

鴈字三千里鶯花九十春傾盆城外雨霑袂席間人添

僕司空曙憐兒第五倫

鍊兒在金陵患  
目疾將往視之

雲中君宛在好

擬曲迎神

逆旅見燕子用工部燕子來舟中作韻

辦裝離宅社前春燕子來時局已新忽見雙栖逢旅舍  
那堪細語向離人去秋笑我同行客今日輸渠穩寄身  
冒雨銜泥緣作室衝泥空自滿衣巾

道出萍鄉贈張七季仙明府

徐二首

桐鄉遺治又松楸舊德新鄰氣誼投學道愛民知政洽  
授餐適館媿情周籃輿一路花明郭秧馬千畦翠滿疇  
風味真如蘋實美飄萍自笑早歸休

感君高義誦清芬直道常存足聽聞已許民謠登竹帛

更希

朝命貫氛氲

明府平陰人平陰有請先面大夫入名宦祠之舉故云

衡迴浥庚郵雨話岱遙瞻丙舍雲飛泳樓前還索句惜無瓊報乍離羣

蘆溪登舟

萍川過山五十里兩山夾路平如砥昔年曾侍先公行青鞋布鞵隨杖履重來作客近耄齡肩輿尚覺困行李東道主人仁且賢爲我買櫂蘆溪水蘆溪本是下水船順流應同建瓴駛豈知灘淺石礙舟一如上灘行輒止從來世途無險夷心夷雖險亦平陸不然懸車既還鄉胡復跋涉窮涯涘

立夏日舟過袁州訪趙太守

璠

不遇明日泊分宜

縣枉太守使書薪米率爾遣興兼致萍鄉張明府

用工部暮秋將歸枉裴道州手札近呈蘇侍御韻

首夏纔交氣蒸溽短篷如熾帶難束故人方逐冠蓋游

過客早謝泥塗辱奚必黃堂接談笑喜無白屋雜歌哭

宜陽江映鏡新磨書臺林開畫可讀岡頭曬麥鋪黃金

田面蒔秧種翠玉撥棹時復聞絲蠻銜杯且自餐杞菊

泝流一葉正扣舷傍岸雙扉已炳燭僮奴趁墟覓蔬果

篙工賽神飲酒肉船底塞破呼莫遲灘上飛湍戒欲速

閒玩澄潭絕點塵忽枉尺素問散人追懷邗溝舫並泛

猶記吳閶酒三巡與君趨牙同聽鼓今我還浦欲垂綸  
衰朽合作林泉叟幹濟宜爲柱石臣苦因風利槳未艤  
尚感情重筆能振乏困那期供東道清和頗覺接陽春  
刺史教化傳韓子願君行政與之比每從夜泊數川更  
可免朝餐索村市花柳似遊錦繡谷卷帙自檢烏皮几  
況有希顏屬城賢若逢延賞薦剡起誰爲手握激揚權  
但思足濯滄浪水誼推陳重忘貧賤仙謫梅福超生死  
從此息勞藉皋蘇歸倚衡門鳩杖扶寄語朋好各努力  
寒暑不出藏吾軀

燕子洲守風

距臨江府三十里

潭州燕子語留人  
洪州燕子掠江濱  
江濱板船對風機  
飛傍船頭又幾巡  
此洲本是烏衣宅  
有客閒登碧澗津  
甘林花香引屐入  
麥畦浪捲迎眸新  
昔昔鹽聽村童樂  
薄薄酒助野叟春  
行當綠幄忘其遠  
舞過紅襟若爲親  
雖無地主邀邂逅  
也許天涯作比隣  
風定波平促解纜  
燕子還來送去賓

豐城訪唐氏家廟閩族譜贈族中三老

垂範古亭年八十四

其姪鑑秋湖六十七繼祖  
旭齋六十八皆貢監生

用工部敬寄族弟唐十

八使君韻

初生自一本服盡如路人  
況經數百載千里隔江津  
小

子承先志湘西敘族親派自吳皋別幾世遠吾身傳聞

辭或異稽討事乃真迥出校亭外祠開劍池濱勝朝推

鐵柱吾宗稱石麟祖有諱大章者明末官保尚書立譜

開系派考脉分絡筋遠欲窮星宿燦如數家珍三誠肇

令甲三誠分三支吾宗自開誠公九修輯艱辛江沱非

異谷翼軫原比隣理緒闕堪補遷宗說益申纓冠皆耆

耄絮語善敷陳若得細尋繹端須累浹旬大較輩行列

遷延舟子曠解維諭族姓讀書作良臣

### 滕王閣用工部閬州滕王亭子韻

洪都臺榭占湖山四十年前一再攀長揖仙人笙鶴外



肯輸才子斗牛閒  
衰齡自笑吟髭白  
傑閣全憑拄杖斑  
倚檻臨江眺林壑  
閒雲飛出復飛還

又五律一首用杜韻

風景留人處  
斜陽促客行  
丹梯延野色  
烏榜送江聲  
誰信老當壯  
始知仙有情  
何須邀下榻  
歸隱謝三旌

舟傍鄱陽湖泊  
端洪用工部過南岳入洞庭韻

東泛洞庭水  
返經彭蠡湖  
祇行湖外汜  
且攬水邊鱸  
黃荆蓄會聚  
青堆藪澤蒲  
洪崖容拍得  
龍女出游無  
時方伊昔曾操柁  
於今又問塗  
灘低魚躍近  
霞落鷺飛孤  
石瀨鋪華錦  
蓬窻據櫓梧  
歸田平子賦  
浮艇范生圖  
川驛

知多滯風濤避不虞枉程依碧渚炎候鼓紅鑪莊舄常  
吟楚梁鴻獨賃吳南江通巨浸煙景話橋烏

鉛山河口更舸船上灘赴玉山用工部白帝城放  
船出瞿唐峽四十韻

小泊河雙口上游崖一隅水低危石激灘險長年吁休  
駕退飛鷁改驅輕浴冕童罔癉在骨老樹腫於背響徹  
鏜鏜鼓波搖瑟瑟珠奔騰聲乍湧散漫勢幾枯鑿鑿千  
尋有浮槎五寸無垂堂時警戒鼓枻敢嬉娛洞天猶涓  
滴鄱陽是委輸玉泉重翠嶺銅井九萍衢振鷺縵遺羈  
潛蛟領摘胡僕儼僵走岸推挽裸裎軀崔浴傷翎悴狐

游汜尾濡單舸逢側塞衆戢歎印須器贖機春逸齒憐  
水馬趨更舟三度小布穀百畦蕪估客嗟難涉莊農望  
莫紆折殘舫槳轉斷桔槔樞徑渡前溪犢空藏十幅  
蒲落花謹燕燕種豆唱烏烏況值夏初熱那堪日正晡  
短簷欹赤繖朽兀坐交都整帙行仍亂銜杯興已孤似  
驅塵龍藏思憩草屑蘇縮地仙誇幻移山我慕愚清和  
生籜扇綠淨入茶鑪學易當知過吟詩慮失誦竭來非  
孟浪歸去異歧途到處皆佳勝遺蹤有宿儒攷身鍾鳳  
嶺講道仰鸞湖南澗真源合東岡雅量逾辛吳聞氣節  
張謝壯名區知止榜成篆攬輝樓作圖忽驚雷破竹喜

見雨飄梧少伯隨煙舫黃公問酒盧且宜消歎暑何惜  
踏泥塗吾道懷任釣人情愛蜜殊祇應歌返棹誰復咏  
維駒出坎輿纔擁登程艇又呼柁樓旋飯越躡屐倚鳩  
扶已足四十韻餘誅嘔二韻不用

玉山道中

懷玉山間路何妨被褐行滕秧新受澤場麥又逢晴小  
市漿無缺中途擔不爭瀟雲飛片雨一洗矚塵清

常山登舟

道出定山陽三衢水驛長買舟嫌偏仄下瀨尚迴翔嶺  
記仙霞外亭經捲雪旁緬懷琴與鶴逸老問遺莊

舟由衢抵杭潮上泊舟聊短述用工部水如海勢

聊短述韻

衢巖山水皆清美苦索無詩且自休拙宦況經頻往返  
衰齡何必寫羈愁錢唐潮上依鷗舍蒼霄風高倩鶴舟  
曾記西湖真妙境隔堤誰共訪前游

四月晦爲先公忌日嘉禾舟中倒次前韻

少壯曾隨杖鳩短篷煙雨浙西游空餘孺慕追陳跡  
又遣兒扶上客舟風木還鄉纔展拜溪蘋設奠倍生愁  
禾中景物由來美欲上高樓棹未休

虎邱小泊順疊前韻

強仕登臨三十秋，冷吟文譙未曾休。  
抽簪正好呼朋樂，濟勝翻因蹇步愁。  
杜子閣中難覓句，白公隄畔小停舟。  
層臺九曲稱靈草，垂老還應憶舊游。

五月五日昆陵舟中晤左杏莊同年倒疊前韻

鷗盟欲趁閒雲訪，鳬泛非爲競渡游。  
令節風光逐流水，故人情緒話孤舟。  
池通玉局留餘韻，酒酌蘭陵化宿愁。  
愛讀五君清詠句，信知高爵不如休。

游平山堂觀競渡因上桃花岡有感

我從沅湘來，未及觀競渡。  
頃由京江入邗江，鄉風若與船相遇。  
十年不到平山堂，六一風流未可忘。  
竭來偶泛

竹西棹良朋老友同傾觴飛鳧水馬軒然起隄邊仕女  
紛如蟻紅簫喧處奪錦標綠楊影中膾尺鯉因念昔遊  
若昨日桃花岡上尋遺跡故人一覺揚州夢身後猶參  
歐蘇席謂伊墨卿太守君不見玉鉤斜荒螢火稀金帶圍落蜂  
聲寂人生何物是堅牢不如飲酒讀離騷

江船對雨用工部江閣對雨韻

西南風作惡乍轉又橫分雨泛波如海舟移岸入雲東  
園頻有夢北岳久無文何意逢留滯淩波倩一軍

川塗所經緬懷高蹈隨時系觸聊寄詠言得截句

二十首

吾宗騷雅學三閭宋景同儕自著書  
靳尚有江波浪闊

遺文何處訪精廬

湘西

書堂高占一峯雲宰相神仙并屬君  
隱士服支三品俸

何如半芋嬾殘分

衡州

閉門謝客禮名賢正恐名賢足不前  
若使南州高士遠

空令太守榻長懸

南昌

西山詩思水同清冶葉倡條豈足縈  
不信昇天得門戶

只須老去斷風情

南昌

六詩三禮救清談頭白匡廬却聘甘  
一自重開招隱館

雞籠講席勝名藍

南昌



太末高風避世心  
節同原憲有知音  
而今邑里傳芳姓

龍井龍邱山水深

衢州

西塞山前挂酒旗  
雨中沽取到船時  
漁童釣得桃花鱖  
付與樵青作鱸絲

金華

石渠祕閣謝榮還  
獨向金華靜掩關  
一卷山棲足千古

著書端的在名山

金華

客自南陽到水涯  
垂竿石瀨倚崇臺  
若非六月羊裘釣  
那有朝廷物色來

嚴州

一劍霜寒十四州  
不將倒字媚王侯  
稱前進士存唐室

豈獨詩名等鄴虬

杭州

孤山放棹憶前緣  
隔別梅花四十年  
湖畔未逢迎客鶴

敢將俗駕訪逋仙

杭州

像寫良金泛五湖  
知幾應許季鷹俱  
散人更有天隨子

異代同龕道不孤

吳江

一篇封事繼更生  
國勢全移變姓名  
吳市誰能識門卒

若逢都尉埽階迎

蘇州

榮願無關物外襟  
不教清閤一塵侵  
丹青古澹同彝鼎

畫稿猶傳師子林

常州

昔年三詔洞前行  
細讀華陽座鶴銘  
剛被仙風吹上頂

瓜廬卧雪見先生

鎮江

始信平輿月旦真廣陵都喜厚迎賓挈家先避陶恭祖  
莫待虛糜盡逮人

揚州

天人實學不窺園坊巷千年井尚存迴憶長沙賈傅宅  
也從古甃挹泉源

揚州

栖霞山上著幽人何必堯階號外臣如意竹根冠筍簪  
尚榮君賜等蒲輪

金陵

挂冠神武意何如高閣三重好讀書底用山中稱宰相  
真靈位業一軒渠

金陵

不受勲封關內侯便從勾漏入羅浮丹成五嶽歸來早  
投杖還應到十洲

金陵

陶山詩錄卷二十八

善化 唐仲冕 六枳

小東園四集

迴棹用工部韻

星指長沙子帆開九月天還鄉當暮齒別墓自中年式  
穀庭何遠維桑地自偏豆觴隨野老簪組謝朝賢未買  
依巖屋仍迴下水船道塗趨穩順族鄰話聯絲本趁和  
風送先逢畏景煎汧流章貢尾回首祝融巔便出三衢  
路長宜百丈牽武林行沃若茂苑御冷然豈覓纏千貫  
還歸寓數椽人生如寄耳吾道合藏焉病感懸輪已游

辭結駟連傭書爲舊業差勝出山泉

和秩山廉訪疊早發石城韻

何以慰良朋往來無疾病何以謝報章酬贈多牽併我  
行自秋杪及還已夏正自慙襤褸子敢以風流命枉惠  
朶雲篇出手瓊華暎月印千潭空春蘇百昌醒崇獎難  
爲顏牖掖且自鏡風調汎瀾翻短長由氣盛交氛燄方  
熾征塵滌未淨讀君冰雪文悅我魚鳥性仍倚硯田活  
羞言席珍聘羣老不遐遺埽門操帚柄

題陶雲汀中丞資江垂釣圖

都梁川滙茱萸津輕舟委浪擎音聞謠詠繇邈出幽峽

煙波浩蕩凌紫雲高巖鉅谷有偉人五柳六逸傳清芬  
舉芙蓉花坐盤石拂珊瑚樹垂香緡偶爾投竿滋泉起  
宛同縱壑雷澤親馮衍顯志賦皋陶釣於澗河以南蒼  
雷澤今賴虞舜而後親梧北任公一釣屢飫均黏蟻可抵十糖餌引鰲妙製獨  
繭綸那教衝岸勞頰尾幾能漑釜烹素鱗過河枯魚我  
既菴橫海長鯨公獨神到處盡占豐穰夢乘運豈懷寂  
寞濱不采金沙向泉井定看鐘鼎銘功勲收取聲名歸  
未晚更從圖畫求其真西風蓴菜秋理榜流水桃花春  
到門輸我先唱漁歌子汲湘難竹寫閒身

謝茶山廉訪招飲疊迴棹韻

小別無多子相思各一天  
餞筵才幾日簪盞又經年  
五老推君健三秋愛我偏  
招邀先近局談藝集羣賢  
竹閣堪憑檻荷衣不上船  
茗奴讓歡伯通印勝披縣  
看出和羹手非關膳宰煎  
詩成式穀彥但索米書顛  
甚喜煙樓破奚憂世網牽  
荆襄曾莅止羊杜尚謹然  
政化風行早文章筆是椽  
性殊阿譽者誼得表揚焉  
皓髮追黃綺英髦盡惠連  
更謀消暑讌莫惜酒如泉

題巨魚縱壑圖二絕

風雷爭與護雲程  
數鬣應教點額驚  
等是龍門乘浪過  
爲霖辛苦慰蒼生

圖中原不異凡鱗雖未成龍自有神須識騰空行雨後  
依然滄海一閒身

暑雨乍晴疊迴棹韻東古餘秩山雨觀察

綠樹雲垂地黃梅雨滿天濃陰翻乍霽養日更如年  
菖抽池正林於亞檻偏莫嫌吟太苦差比博猶賢  
見說三篙水爭操七板船暮齡難破浪暑月或裝絲  
飯剋高春饋茶催活火煎須彌藏芥子神妙到毫顛  
甘讓綃衣輩常隨錦纜牽冶遊誠暢矣枯坐亦翛然  
嘒嘒蟬遮葉飛飛燕寄椽賦閒無事也招隱有人焉  
拙句關門覓奇情擊鉢連那能河朔飲咫尺跂平泉



陸山詩集卷二十八  
三疊迴棹韻酬古餘同年走筆見和之作

新詩直白雪未省是炎天獨得朱華筆難爲絳縣年枚  
皋馳檄捷秦系用師偏獵酒吾何鄙貪鱸也自賢廼承  
期杖屨輒欲會觥船却恐金初伏安知雨不縣冰甌宜  
撫鱗火齊廢魚煎縱樂園林敞還愁笑語顛小巫惟韻  
趁大雅竟情牽自覺頽唐矣君方王張兩然博聞檀作  
几妙悟笛爲椽昔是循良者今猶頌禱焉昨從棠蔭過  
頗與梓鄉連詞瀾應有本學道即原泉

四疊迴棹韻謝秩山觀察惠楊梅

剛逢沈李候已過熟梅天盧橘方迎夏金丹可引年捧

來堆榼重揭出累九偏始信星郎貴誰推玉女賢使言  
吳苑產裝自晉陵船採摘繁如栗搓等軟似絲色兼香  
入液韻勝蜜加煎顆顆頰虬卵累累絳鶴顛聖僧禪夢  
幻光福客懷牽螺黛顰微蹙櫻唇暈欲然霞餘分比舍  
風剩挂修椽德祖何譏爾文通有頌焉瓊琚無答報珠  
斗又纚連深飮醇醪味涵黃浸釀泉

古餘同年謝遺鹿角膠依韻畱之

歌鹿鳴同歲如膠語不煩所須惟藥物底事絮寒溫補  
骨雖能事填精亦衡言火添文與武竈守晝連昏攪出  
瓊玖液凝成琥珀痕盡將渣滓化應藉濁醪吞虎子宵

堪棄斑龍頂最尊來朝叨燕樂服食好重論

五疊迴棹韻謝古餘同年雅集

纔閱無陽月幾成有漏天芳筵招伏日霽宇兆豐年折  
簡花牋併衝泥筍轎偏酒傾桑落聖人近竹林賢本續  
攜筇社還迎返櫂船詩才裁蜀錦交誼結吳縣雖值清  
齋禁仍調美味煎倘如宵雨驟又逐曉風顛客至葢而  
屐叟行扶更牽縱令顚朶若安得足楚然山虎藏青壁  
雲龍上采椽古餘自指亭中墨畫如是似因佳設者俾共盡歡焉花  
樹窺檐合盃盤緝御連晚歸涼入袂星月照溪泉

自題九節斑竹杖

九節杖當周尺九尺強斑斕九芝采芬馥九畹香抱九  
仙骨酌九醞觴披九霞帔上九華堂誦九歌九辨與九  
章毋忘九面衡陽

六疊迴棹韻謝秩山觀察招飲并和古餘同年

美饌亦良緣涼生赫赫天戒期申詰旦禁體記前年消

暑會殊迫接風情太偏

俗以觴遠歸者爲接風酒

賓儀多脫略主誼

更豪賢肴旅烏皮几醪香藥玉船

謂蘭陵麴酒

脂膏甘勝蜜

糗餌粉成縣黍豈將桃雪薑宜共茗煎閒譚來海上奔

浪到堤顛廚傳因忘飾蹊牛竟奪牽威稜將震疊龔怒

已譁然以此當來棟難言稱桷椽于卿甚事者未免有

懷焉君食蛤蜊且我歌蚯蚓連不如一杯酒況對好園

泉

古餘有流傳百年後披  
咏慕林泉之句故云

閒居瑣事七疊迴棹韻東古餘秩山兩觀察

把詩堪過日遲客共談天靜愛虛堂月閒推老樹年龜  
遷庭左个齋坐序東偏鼓篋童孫樂縫裳小婦賢門前  
辭鶴蓋溪畔報鷗船榴火添紅緣薇香綴紫絲敲蒸羅  
葛袵胸臆麴蘗煎鼠窟書倉隙蜂衙畫壁顛梁泥容燕  
汚枝網去蟲牽隱几惟誠若臨池亦斐然古文傳十口  
川字指三椽未得追羊體還愁誤馬馬丁垣輝斗極平  
夢到雲連遙想披襟度幽情付響泉

八疊迴棹韻謝黃友蘭就故侯府設燕并和古餘

同年

入座引孫錢

謂孫尹圖錢如堂

開樽小有天可憐黃鵠子不及

李龜年揖讓三成魄彌縫伍後偏

是日魯齋不至添入孫錢二公

酌先

從最長恭豈謂能賢迭枉觴歸客行還問渡船

予於秋間又有

揚州之行鄉情九醞酒朋話八蠶縣園家通林壑厨爨擅割

煎眼窺雲母晃尾笑雪奴顛

園中有白鸚鵡

甲第幽花發辛楣

野蔓牽歡娛聊爾爾論議或然然倘許依千厦無勞覆

一椽絃琴其嘯也鼓瑟有詩焉

用孫登錢起事

我媿爲賓屢誰

當此會連茂先誇速藻光皦起龍泉

次韻古餘同年預送廣陵之行

一覺揚州夢綺闌寒飈那得比花茵枉承壇席推賢者  
難向江湖号散人須待孝廉船到岸方從賓客館安身  
知君惜別先情切歡會相期不隔旬

次韻古餘腐言一章

良朋聚會豈宜頻祇爲高年又遠人和樂不流斯雅集  
威儀自抑是嘉賓皇華早送驪駒賦瓠葉思烹兔首陳  
深感曲終還奏雅白頭何致歎如新

疊韻古餘自和腐言二首

讀易須占厲復頻何妨損一得三人橫堆几案惟圖史

却壩門庭無雜賓吾道觥觥千載業此生鼎鼎百年身  
相期守約全真素世事由他色色新

心不肖閑非好勤難言高尚不求人雖貧到底賢於病  
有主何辭詣作賓且莫縱譚天下事可能康濟自家身  
知君志潔行芳意豈爲彈冠沐浴新

九疊迴棹韻次秧山索觀徑中徑又徑之作

不結辟支果須歸~~梵~~率天如何淨土教莫計雪山年徑  
又徑中徑偏還偏上偏一聲號極樂千佛接高賢致使  
行吾道都思過別船我緣根最鈍深恐力爲繇愛未人  
倫斷膏隨世法煎君材真宿器妙諦到層顛香象河能



渡白牛車自牽聞思方卓爾頓漸總超然綫貫千重寶  
梁擔萬瓦椽衆流可截矣慧業獨通焉就此三摩入無  
須五味連仍當參下版卓錫飲靈泉

疊古餘腐言韻畲之

僮奴怪我寄詩頻說我難爲識字人眼已眇昏抽虎僕  
筆多狼藉走龍賓全輸萬戶輕千首奉勸三緘守一身  
却笑此言還更腐卮言且共寓言新

酷暑感懷十疊迴棹韻

矮簷多近日烈燄欲熏天戊夜兼申旦辛行劇丙年除  
煩疑雨愜助熱歎風偏耽飲難中聖談禪妙上賢詩翁

權閣筆遊客早迴船蕉箠長揮汗織羅似著絲療飢麻

飯嚼救癢

出水經注

艾湯煎竹徑深留步桐陰坐露顛午牀

宜櫺引辰袂暖姝牽梨脆嫌渣子瓜犀喜粲然道經鈔  
滿弓儒籍架齊椽客報丁壬合民呼庚癸焉萬家田宅  
渺一片海湖連我輩徒蒿目惟思濯瀑泉

十一疊迴棹韻和古餘夜雨喜成

薄暮雲攢漢中宵雨滿天六丁飛白月太乙照青年霹  
靂搖窻急滂沱入戶偏翻瓢疑老嫗破柱試名賢衝霧  
千山騎乘颺萬里船砰洶方駭駭飄灑更絲絲似可冰  
霜解無憂釜甑煎豈知赤燠怒未息閭風顛病暈猶煩

潯含飴自引牽餘絳仍鬱結君意獨淵然得句豔于雪  
取材多似椽清風來穆若酷吏孰留焉持鼓門將過傾  
盆陣又連塵氛應盡洗簷雷挂廉泉

諺云烏雲攢河夜雨滂沱故有首臨

羨孫十齡生日用工部宗武生日又示宗武二首

韻

六十五初度長髦孫始生

長髦羨小名

充閭傳遠信錫羨簪

嘉名亥字逾寒暑丁年見性情奇童知骨重衰老覺身

輕環佩金相合銘詞玉琢成

賜以帶鉤端硯

詒謀果克副座客

盡心傾

爾親離仕籍鎮自擁書牀賴汝耽黃卷相期荷紫囊裁

培天篤厚蒙養日舒長頭角生騏驥萌芽定豫章敬師  
勤請益友弟樂聯行湯餅年年會無忘樹德堂

松相國  
所題

十二疊迴棹韻書古餘同年詩稿後

卷首懷明發仙心見性天孝經兼內則吉德重耆年椿  
蔭和琴正藤花照琰偏平章花木雅讚頌某茹賢自詠  
香山句相思楚水船未迴鴻寄字及到柳成絲從此金  
牋遞因之玉鱸煎啜酬同韻腳敏妙獨毫顛既領瓊章  
佩旋披錦綽牽韶鈞方翕起風雨正瀟然已覺腰寬帶  
幾忘屋漏椽美詮無溢義卒業有言焉曷弗傳嘉惠毋  
徒事苦連興觀通遠邇後學導蒙泉

讀古餘詠迎春詩次韻代迎春答

爲惜冰霜冷蕙叢黃金碧玉逗神工誰知芳信梅先占  
不事逢迎氣已通

迎得韶光九十春春來各自門鮮新待將花事收婪尾  
分付酴醾覓替人

次韻古餘藁中眼明詩

佛家見果即知因君是生天慧業人但得有詩兼有筆  
自然非病亦非貧况貧本爲詩工設偶病何妨筆燦陳  
堪羨眼明還手快留中不著一纖塵

連日大雨

連朝幾陣雨滂沱今日滂沱海樣多樓上閣前無燥地  
街頭屋裏盡洪河尋常沽酒何能到咫尺呼朋未得過  
昨夜梧桐飄一葉恍如舟泛洞庭波

疊波字韻二首和古餘同年

不禁忍俊豈空過學語寥寥反見多秋水何能窺海若  
詞源直欲挽天河平生每獻規爲頌造詣相觀善謂摩  
莫待雞林求重價校刊行遠願推波

前日新羅一箭過曼陀花雨爲詩多金牛法力無行地  
香象神通自渡河超意識能空五蘊從聞思已入三摩  
羨君定裏忘炎暑擊石清池靜不波

十三疊迴棹韻酬秩山廉訪

佛前原有佛天外豈無天白業歸圓月黃楊厄閏年藏  
宜求法正機匪倩鋒偏我恨孤禪雜君推象教賢昨承  
當事札預備渡江船要務須商榷深情致邈緜牖隄全  
啟放禾稼苦憂煎未減重湖漲當拊萬室顛能仁忘我  
相將智謝名牽梵願誠如此儒宗却不然其魚乘四載  
殆庶守三椽公等皆明者老夫奚用焉出謀慙野處澤  
物望州連帝釋今持世毋勞惜貨泉

十四疊迴棹韻謝恕堂太守招飲并和古餘同年  
折柬瞳瞳候開筵瑟瑟天若將晨作暮真以日爲年急

就行廚善徐趨岸幘偏

東招長刻而主人志之乃咄嗟而辦

酒籌人不減

譚麈客誰賢饌勝五侯席齋疑少伯船恰逢秋氣爽那

患夏霖絲宴尚浮瓜削吟如煮豆煎君生茗水後家世

碧山顛既溯淵源合還聯組綬牽莠門今聞若桑戶自

恬然

席間所說

但得杯中物何知屋上椽志和先詠矣

謂古餘

思邈定酬焉

謂孫尹圖

我媿無供給惟思近接連詰朝當捧

襪粗糲酌寒泉

十五疊迴棹韻酬古餘同年見謝邀飲之作

熾棹端陽後簪楸末伏天爲賓無已日小別類彌年韻

倩迴環疊情因爛漫偏即令脩薄酌豈足會諸賢特慮



陶嘉月還當遠泛船壺觴殊太草談詭更長絲偶致梨

分雪新登鰈入煎颯來江雨腳涼到歡雲顛二客跡相

避

謂秩山  
詹齋

五更裾共牽言鯖齊莞爾笑牒尚枵然扶老

閒評杖騎危欲上椽餘波仍起處此調別彈馬織錦輪  
河鼓瑜珈供目連後期聞選勝渴驥想奔泉

十六疊迴棹韻酬秩山廉訪見謝招飲辭以腹疾

未赴之作

相將結勝緣遮莫趁涼天那信神仙侶翻同耄耋年座  
無公不樂地以遠而偏海鶴方翔宇河魚豈困賢堯夫  
難出戶思曼或居船智井求芎藭冰牀襲繭絲得毋塵

俗避免受蘊隆煎頃荷詩如綺因之喜欲顛向真雄魄  
力體自絕徽牽偶示維摩詰非疎孟浩然脩鱗藏藻綫  
密石綴松椽腹笥便便者頭巾落落焉手煩除五降技  
癢發參連聞道蘇門老招邀共品泉

十七疊迴棹韻謝孫尹圃刺史招飲胡氏宅

六代風流地三秋雨歇天恰逢新會友剛度古稀年傍  
郭園亭遠移樽戚鄰偏辭筵賓最長

謂茶山  
廉訪

設讌主尤

賢更啓耆英社仍迎萬客船周班難復鄭齊右尚歌絲  
選履涼陰合誇廚異味煎迂疎嫌笨伯曠達笑風顛且  
適今朝適休牽往事牽蟻浮庭翠濕鴉散市燈然飛渡

何須揖神房豈用椽丙原龍隱有辛孟鹿羣焉鷁首行  
將發雞栖久自連無煩更曲板藉此濬言泉

消暑三十六事各詩一首

衡面篷窗

衡陽初迴棹九面常在目客堂規東隅軒窗籠霧縠如  
倚半舫篷嶽麓庭邊宿

護背斗室

堂背焉得護拓室可方丈兒女向嬉娛羲皇容偃仰忘  
暑即忘憂何必花如掌

奇峯送雨

鍾山化爲雲羣峯矗空起都將澤物霖送到草堂裏我  
汎布濩之飄然赤松子

老樹迎風

酷熱未能除望風若慈母古木蔭暍人難徧及衰朽拜  
舞得涼颼炎天埽塵垢

蘆箔轉棚

豪家處臺榭錦棚復珠箔我院不自弓織蘆以爲幕張  
之畏景遮轉之清陰廓

韋繩交椅

其格可橫陳其足自交互截韋穿以繩攜將任行住納

涼高下宜竟作胡牀踞

簾波卷月

當天無纖雲可人惟皓月簾外卷白波庭中開貝闕一方澹如水三更清到骨

鑪篆舒雲

昨遊雲密峯獲觀科斗字靜對寶鴨熏古篆縈煙穗因悟雲雷紋盪水生波致

理石書憑

大理產文石天然見圖畫裁爲青玉案雲山照眼界揮豪盡冰雪憑几無帶芥

郭甄琴薦

郭公埏方甄空中而文面廣狹並琴長平中以爲薦況  
經數百年古意供清燕

眼懸晶鏡

老眼漸眵昏不用金鑷刮光明借水精鑿鑿澄玉雪莫  
讀細字書留取看花纈

鼻飲冰壺

呂宋金絲醺屑之加浸漬却嫌煙火灼蓋零欣人鼻白  
甄藏氤氲消息通詩思

蛟綃蚊幃

常苦不能眠加之攪人睡設幃透抵隙執熱難蒙被安  
得織冰綃方空納涼吹

麈尾蠅拂

著物變白黑忿恚思揮劍麈尾如九錫肅靖到鉅槩非  
徒助清言王謝風流占

玳瑁蕉簑

竹莫彈芭蕉芭蕉有竹性葉大含清風製扇取圓正周  
遭緣齊紈玳瑁以爲柄

瑠璃竹牀

削得青琅玕作牀供起臥求舊不求新光滑無塵澆一

片黃瑠璃獨對幽篁坐

黃篋桃笙

高年怯新涼輒卷蘄州簟秋後熱如虎

諺云秋老虎

夜來夢

頻魘還賴浮筠清帖席汗輕斂

青瓷菊枕

黃妳向芸窗曲肱讓瓦枕中有傳延年遊仙香可飲毋  
須警爲名老人要安寢

桐陰移榻

么鳳鳴朝陽拂芭又垂乳一葉未報秋百尺已消暑短  
榻隨陰移井欄度疎雨



篠徑披襟

栽竹幾叢生濃陰滿三徑深處不受暑風聲颯入聽行  
散愜幽衿吟魂悟禪定

蓮供詩龕

藕花無數開盆盎如池沼詩社累連篇同龕窻壁繞看  
取菡萏香供養趁清曉

薤收藥裹

薤葉傾太陽雨露培嘉卉採摘同園蔬醫言能正氣藏  
裹待來求除煩蘇庶彙

翠瓜釀液

曾食東陵瓜遠在青門外江南少蜜餠佳品出徐沛丹  
瓢發瓊漿一杯心神泰

菜豆蒸麩

美豆似綠珠能解歎蒸患和米煮爲糜適口異芻豢但  
求芋菽飽何必咄嗟辦

匙飯胡麻

頃遇黃初平授服巨勝法久之皓髮青腰腳無疲乏神  
仙真有分香飯容常呬

盞酌湘茗

洞庭釀黃甘君山采香茗湘中風味長尤愛烹茶鼎一

蠶共客嘗竹閣酒初醒

蘭湯救癢

背癢不能搔那得麻姑爪溫泉解救療合燂蘭湯澡恍  
惚雲中君采衣佩剛卯

杏酪疏痰

養性欲淳和南方無北酪痰飲滯平原能令手足弱杏  
非爲茗奴湫底賴良藥

細軟芒鞋

履絢宜青絲編芒更細軟適可足屢忘輕免跬步蹇也  
須緊峭行崎嶇莫重繭

圓瑩斑杖

張翰屬還鄉分攜斑竹杖花紋認勻圓銘詞刻清朗又  
得扶老筇高節佐幽賞

白蟬散帙

我無犢鼻褌腹中無可曬聊散絳帙堆力掃蠹魚壞縱  
令食字仙未足償書債

紅魚沫波

方池種紅魚隊行响以沫頗能解人意噉喁無潑刺尺  
澤可相忘何況江湖闊

蛎笛蟬琴

雨至蚯蚓鳴風生蜩蟬噪如聞綠水歌聞以青林操我  
詩類候蟲相和息矜躁

蜂衙蛙部

莫道藏園池依然列官府衙趨肅一臺鼓吹喧雨部此  
中無榮辱勢位徒自苦

荷蓋傾露

秋露顆顆珠池荷柄柄蓋傾瀉入香甌可以滌埃盪即  
此是金莖沆瀣和煙靄

桂楫衝煙

殘暑未穉蒸曉涼蝶夢醒何堪風雨瀟況值煙波迴招

我廣陵濤送客青溪艇

次韻古餘同年送赴揚州講席

感君陳古誼此日向誰論  
重理儒生業敢言師道尊  
詞章空藻采聲聞異泉源  
三益難爲別驪駒近在門

古餘親來送行仍次前韻謝之

多情親話別吾道好深論  
迹近傭書陋名思講藝尊  
學山期到頂飲水貴尋源  
邛上秋風起鴻音佇白門

爾鴻孫生日同錢兒用工部驥子憶幼子二首韻

名因祖母壽

小名七十其祖母七十初度也

生近月華時纔度能言歲

知吟有韻詩十齡兄較長兩稚我惟慈  
孝悌由來篤徇

齊豈敢期偶然懷不暢見爾喜無悲果足娛衰老詒孫  
未歎遲

爲爾祈神嶽垂憐錫祉繁肺平除欬嗽心悅任談論他  
日青雲路今時黃葉村老人傳玉帶猶冀見乘軒

赴揚州講席寄別金陵同會諸老用工部寄別李  
劍州馬巴州二首韻

迴棹歌殘還鼓棹湘州路轉又揚州鈔書曾禿管城子  
耕石重封即墨侯幸割青氈分半席尚攜細帙滿孤舟  
何當白下耆英社玩月同來上選樓

秋水橫生徧地波流庸滿眼待如何採荒全仗行糜廣

投老翻慙貸粟多館似乞祠聊自定門無問字更誰過  
回思這暑聯觴詠情韻鏘鏘送紫珂

鄧湘皋顯鶴學博屬題鄧鹿巖先生輓一念和尚

詩墨蹟

二人同住武岡  
皆勝國遺民

人詩書並絕梓里舊都梁遺老得高逸後賢思表章釋  
儒同古義紙墨至今香近欲作衡疏登之金簡旁

湘皋學博屬題其兄雲渠所寄聽雨草堂圖

令弟應詔上公車哲兄遙寄聽雨圖一行未免嬰塵網  
三間尚可連牀居弟從兄命辭令宰文學博士還讀書  
兄誠友愛弟誠悌此圖真合百本摹前圖巨冊題已徧



新冊畫者汪與屠我昔有兄十年長少小共引神仙裾  
辟舉方正逡巡避輔我廉平朝夕俱暮齡先失左右手  
近歲倍覺形影孤世間難得者兄弟載展斯圖輒長吁  
羨君歸去勤拊背雨風同聽樂有餘

次賓谷中丞留別韻東湘皋學博轉呈

賦梅官閣三冬暖折柳江潯八月寒甚喜重陰開霽色  
頗聞巨浸息奔湍匡時乏術歸田久臥疾經旬出戶難  
爲約他時重攜手光風轉蕙汎崇蘭

次賓谷中丞疊和贈別元韻二首

官場草草夢霄騰塵鞅空教歲月增柱石公常承

紫極洞天我已向朱陵養病莫報

朝恩重匡濟端

推物望能未便抗懷箕顙上大臣勲業在時來

湖山那肯放公去故遣吟秋帶露寒身處膏脂仍不潤  
心含浩蕩已無湍一瓊頗惜分張易千室還懷覆被難  
他日若登台輔地幸垂澧蔭與沅蘭

抱疴揚州道治時值七十有四初度感事書懷用

工部秋野五首韻

田園歸更蕪林壑願全虛硯北尋陳跡淮南訪舊墟來  
如脩月戶住欲帶經鋤肺病秋宵劇鰥鰥類鱸魚

今歲逢生日良辰美景違端迎涼吹發夢逐野雲歸勝

友期偏爽清游計已非惟宜飯蔬筍芳露浣薔薇

所居無館舍行傍市垣長治倩庚申守藜分太乙光憑  
誰傳素業謝客近丹房叢桂香初罷如聞晚菊香

祖帳停雲白詩筒夕照紅

賓谷中丞入都病未親送往返賦詩贈別

別懷通

遠水病骨怯秋風未卜題襟再難期握手同蒿間容士  
庇一畝是儒宮

鵲噪檐前景鴻呼陣外羣兒曹欣遠至邊塞駭新聞孔  
棘橫沙磧威弧出隴雲便令年少子結束事從軍

述懷二首次古餘同年韻

立志苦不堅聞道苦不早心性未涵濡學術未撓討堂

奧未能窺箕裘未能紹克己或畏難逐物或求好旣無  
經世才又乏出塵抱欲速同堰苗安得不枯槁幸而息  
重肩輒復營一飽謀生計原拙投老戒毋擾偶承授館  
餐聊可養衰皓行本殊高蹈跡難言却埽因之病不斷  
豈爲名相耀蓄德旣無多適情自覺少須知翰墨緣徒  
滋葛藤繞不材終天年應笑文本天

師儒重以道匪專尚文詞漢世傳經術唐人習歌詩宋  
賢講理學聖教藉維持通復本一誠詣力貫百爲書院  
所由立剖析及單辭知行當並進存省罔或遺豈無門  
戶見那許市井偕吾鄉有嶽麓壇席衆所歸流風徒改

慕此日已衰遲邇江三講席虛名如翰飛非特實未篤  
藝者且弗思吾友勗以正尊聞行所知舉比媿未撤迂  
直頗違時歸歟訪白社聯詠舒襟期

將返金陵同人邀遊雙樹庵二首

養疴鍵戶度朝昏臨別翻尋舊屐痕勝友雅宜招勝地  
名藍高可壓名園布金往蹟留雙樹刻石新篇映四垣  
自笑逡巡聽粥鼓山僧先已出山門

已公茆屋倩誰題幽興何能惜馬蹄

山門題已公茆屋

覓句難

期有神助置身且自與雲齊三山海畔潮初上廿四橋  
頭月正西因憶南朝江令宅黃華開徧小園蹊

賀古餘同年新抱曾孫

聞君孫子又生孫  
累葉蕃昌種德門  
鳳集桐花傳異采  
鸞停玉樹護靈根  
老松晚節春無限  
叢桂中秋月有痕

八月十四日生故云

自笑含飴皆稚齒  
且隨湯餅倒芳尊

辰橋宅者至自廣陵先呈同會老人

橋名壽星協辰象  
宦中僦屋如里黨  
今爲宅者方郊野  
臣稱市井兼草莽  
卅載湘中歸輒行  
一年邗上來而往  
豈知累月守藥爐  
又苦郵風滯蘭漿  
小閣授衣遇膝篋  
少子從戎正鞅掌  
忽聞五老弱一个  
先求生輓何儻蕩  
浮生歲月如逝波  
莫道賢愚盡黃壤  
古人自有不朽存

不在榮華獲長享相期炳燭副耄年他日芳踪生景仰  
節近小雪盆蘭忽放一箭五花幽香滿室喜賦十

二韻

開徧籬邊菊還聞室有蘭花偏禁露冷香未逐秋殘似  
欲娛幽獨真堪伴歲寒硯方研篤繹鑪不藝沈檀供以  
黃磁斗藏之已字闌握懷同粉署紉佩勝騷壇憶自沅  
湘返頻將芷蕙看那容霏雪近猶見紫莖攢媚匪徵燕  
姑佳應稱謝安小春迎淑景廣莫動微瀾簷索梅英綻  
窻通竹影爍羅含由德感我媿滿庭歡

盆菊次古餘同年韻

東籬秋色倩誰栽九月揚州尚未開歸到草堂排滿屋  
採來花瓣佐傾杯紛披五采香仍澹架起三層勢却回  
聊藉傲霜娛暮景勝他桃杏錦千堆

又一絕句

前身合是傅延年在滿城風雨前莫道開遲秋已晚  
百花魁且讓君先

次韻古餘同年畏寒見寄

滿懷握手話情親抱恙歸來又浹辰欲補充閤湯餅客  
自憐坯戶蠶蟲身幽蘭伴我香無恙妙筆輸君句有神  
聞道南陔新拜慶孫枝重繞耄年人

其長君新自  
都還故云



洞山詩錄卷二十八